


986

206·4

G-15

1894



206.4

4-15


ԵՐՄԱՆՈՒՅԻՆ ՔԱՅ ԴԱԶԱՐԵՐԵՑ

ՉԱՐՁԵՐԵՐԵՐԻ

ՀԱՐԱԹԸ

(Ժողովրդական ընթերցանութեան համար)

Վեց ՊԱՏԿԵՐՈՎ.



220

03-ԱՎ

Թ. Ի. Գ. Լ. Խ. Ս
Ճպարտան Մ. Ճպառձիք | Տիլ. Մ. Շարաձե
1894

(6)

11448

Дозволено цензурою, Тифлисъ, 25-го Января 1894 г.

(Ա)

ՏԱՐՏԱՐԱՆՔԻ ՇԱԲԱԹԸ

Առաջուց զիտենալու բան.

Զատիկ է: Հըմայի համար՝ ամօթ, թուք ու
մուր. քրիստոնեայի համար՝ սէր, խնդում ու ցըն-
ծում: Բայց էժան չէ նստել մեզ՝ քրիստոնեաներիս
էդ ուրախութիւնը, որ էսօր լցուած է մեր սիրտն
ու հոգին, որ էսօր խաղում է մեր երեսներին:
Դրա համար արիւն է թափուել, 33 տարուաչ
կեանք է մատաղ էլել: Բայց ինչ արիւն, ինչ
կեանք: Սովորական մարդ, հասարակ մահկանացու
չէ որ թափել է մեզ համար իր արիւնը և զոհել
է իր կեանքը: Թագաւոր է մեզ համար մեռնողը.
Թագաւոր՝ ոչ թէ մի երկրի, այլ բոլոր աշխարհի:
Ճովերի ու ցամաքների: Թագաւոր թագաւորների.
Երկնաւոր, անմահ թագաւոր է մեզ համար մեռ-
նողը: Աստուած, մարդացած Աստուածն է մեր
փոխանակ մեռնողը: Ահա թէ ինչ գնով է ձեռք
բերուած մեր էսօրուալ ուրախութիւնը: Բայց թէ
ինչու մեռաւ, ինչպէս մեռաւ նա,— էդ պէտք է
գիտենայ ամէն մարդ, որ նրա անունով քրիստո-
նեալ է կոչում, պէտք է գիտենայ ամէն մարդ,
որի գլխումը կալ խելք և խելքումը՝ դատողու-
թիւն:

1003

Ամենքս գիտենք, որ էս օրերում Քրիստոս յառութիւն է առել, այսինքն՝ մեռած տեղից կենդանացել դուրս է եկել գերեզմանից: Իսկ գերեզմանից առաջ նա խաչի վրայ էր, և խաչից առաջ՝ հեթանոս զինուորների ձեռքին: Բայց էս էլ պէտք է գիտենանք, որ Քրիստոս չարչարուեց էն մեղքերի համար, որ ինքը չէր արել խաչուեց էն խաչափայտի վրայ, որ իրպէս անմեղների համար չէր պատրաստուած, թաղուեց էն գերեզմանում, որ իր համար չէր փորուած:

«Հապա ում մեղքերի համար մեռաւ նա», կը հարցնէք: Նա մեռաւ մեր մեղքերի համար: Մեր որ մեղքերի համար: Մեր էն մեղքերի համար, որ մերն են էն պատճառով որ՝ թէպէտ մենք ինքներս չենք արել, բայց որովհետեւ արել են մեր պապերը, մեր նախնիքը, առաջին մարդիկ—Աղամն ու Եւան,—նշանակում է՝ մենք ենք արել: Ի՞նչպէս թէ ուրիշների արած մեղքը մեր մեղքն է: Ահա էսպէս: Թէպէտ մեր նախնիքն են արել, և ոչ թէ մենք, բայց՝ որովհետեւ մեղքը անելով նըրանք անմեղ, անարատ վիճակից մեղանչական, արատաւոր դարձան. Էդ պատճառով նրանց որդիքն ու թոռներն էլ ծնուեցան էլի էն ախտով վարակուած, այսինքն՝ դարձան ընդունակ նոյնպէս մեղք գործելու: Եւ էդպէս, մեղքը դառնալով նըրանց լետնորդների ժառանգութիւնը՝ ամենքս էլ դարձանք մեղանչական:

Բայց ի՞նչ մեղք էին գործել մեր նախամալրն ու նախահայրը: Անհազանդութիւն: Անհազան-

դութիւն ոչ թէ մարդու հրամանին, ալլ՝ Աստծու հրամանին: Անհազանդութիւն ոչ թէ մի ծանր հրաման կատարելու մէջ ոչ թէ սարեր շուր տալու ու ծովեր ցամաքեցնելու մէջ. ալլ՝ արգելուածը չանելու: «Էս ամբողջ դրախտի, էս անմահական տեղի բոլոր ծառերն ու իրանց աննման պըտուղները ձեզ փեշքաշ, ձեզ անուշ. կերէք, ի՞նչքան կամենաք, ձեզ հալալ. ձեզ համար են տնկել իմ աստուածալին ձեռքերը: Միայն՝ թէ ինձ կը սիրէք, էս մէկ ծառի պտղին ձեռք չտաք, էնպէս համարեցէք թէ էս ծառն էստեղ չկալ»: Անհազանդութիւն էս ամենաթեթև ու ամենաքաղցը հրամանի գէմ: Մարդ ու կին ոտքի տակ տուին իրանց Ստեղծողի հրամանը, արգելուած պտղի հետ՝ տեսան իրանց անհազանդութեան դառը պտղի համը և դուրս վրնդուեցան դրախտից, էն անմահական տեղից: Էն օրուանից մեղքը բուն դրեց մարդուս սրտումը: Առաջին ծնողներից ովաշիարհ էկաւ, նրանց մեղքի մէջը խրուեց:

Գլորուեց էդպէս մօտ հինգ հազար տարի: Եւ հինգ հազար տարուալ մէջ ամէն ծընուող Աղամ ու Եւալի մեղքի մէջ ծնուեց: Բայց դա մէկ վերջ պէտք է ունենար, թէ չէ: Աստուած աշխարհն ու մարդուն նրա համար չը ստեղծեց որ ամենքն էլ ծնուեն էն մեղքի մէջ, որ իրանք չեն արել, ու մեռնեն էնպիսի մահով, որ յաւիտենական պէտք է ըլնէր: Մի մարդով մեղքը մտաւ աշխարհ. մի մարդով էլ պէտք է վերանար աշխարհից: Առաջին Աղամը բերեց էդ պա-

տիժը մարդկային ազգի գլխին. երկրորդ Աղամը՝ Քրիստոս ազատեց նրան էդ պատժից: Քրիստոս իր մահովը ոտքի տակ տուեց առաջին մահը. քեզ, ինձ և մեզպէս բոլոր մարդկանց ազատեց Աղամեւայի մեղքից, նրանց հաշտեցրեց իրանց Ստեղծողի հետ:

Բայց ով հասկացաւ նրա արած լաւութիւնը: Ոչ ոք: Գոնէ ում մօտ էկաւ, ումը ուզեց հասկացնել, նրանք չհասկացան: Մենք պէտք է գետենանք, որ Աստծու ընտրած ժողովուրդը հայն ու վրացին չէր, ուսւն ու ֆռանցուզը չէր, թուրքն ու պարսիկը չէր: Աստծու ընտրած ու աչքի լի պէս սիրած ազգը հրէաներն էին, Աքրահամի, Իսահակի ու Յակոբի սերունդներն էին:

ՅԻՍՈՒՍ ՔՐԻՍՏՈՍ

Յիսուս եկա, և իւրքն զնա ո՛չ
ընկալուն(Յովհ. Ա.):

Ամբողջ երեք տարի, դեռ մի քիչ էլ աւելի, Յիսուս Քրիստոս քարոզում էր հրէաներին: Նազարէթ քաղաքը, որտեղ նա անց էր կացրել իր մանկութեան ու ջահելութեան օրերը, կասկածոտ աչքով էր նայում նրա վրայ. չէր հաւատում որ Քրիստոս Աստծու Որդին է, որ նա Աստուած է: Ինքը Քրիստոս էր ասում. «Մարգարէն իր երկրումը պատիւ չունի»: Իրանից առաջ էկած 16 մարգարէներն էլ, իր ասածի պէս, պատիւ չունեցան իրանց երկրումը: Էդ պատճառով, մկրտութիւնից յետոյ, նա թողեց նազարէթը, ուրիշ տեղ հեռացաւ:

Հրէաների երկրում, հիւսիսից դէպի հարաւ, ձգուած է մի սիրուն լիճ, որին ասում են Գեննեսարէթալ լիճ կամ Տիբերական ծով: Էդ ծովի ուզիլ հիւսիսալին ափում շինուած էր մի հոյակապ ու գեղեցկանիստ քաղաք՝ Կափառնայում անունով: Էդ քաղաքը հիմա աւերակ է: Էն ահագին աւերակները, որոնց մէջ երեսում են մեծ մեծ քարեր,

պատեր, առաջուայ շինութիւնների քարէ սիւների կտորտանք, -- ցոյց են տալիս որ էդ քաղաքը մի ժամանակ շատ ընդարձակ քաղաք է էլել։ Կափառնալումը մի շատ յարմարաւոր կենդրոն, լաւ առուտուրի տեղ էր հրեաների ու հեթանոսների համար։

Էդ քաղաքը Քրիստոս հրեաների միւս քաղաքներից աւելի սիրեց և Իր բնակութիւնը էնտեղ հաստատեց։ Նա էնքան էր սիրում էդ քաղաքը, որ նրա մասին խօսելիս՝ աւետարանիչներն ասում են «Ի՞ր քաղաքը»։ Աշխարհների ու ծովերի տիրոջը, երկնքի ու երկրի Ստեղծողին հարկաւորուեց Իր ստեղծած աշխարհների մէջ մի փոքրիկ անկիւն, մի փոքրիկ սենեակ վարձել Իր համար, Իր քարոզութիւնների, Իր կրթական սերմերը մարդկանց սրտերի մէջ ցանելու համար։

Կ'ուզե՞ս իմանալ թէ Քրիստոս ինչպէս էր անց կացնում Իր օրը։ Նա ողջ ցերեկը քարոզում էր Իր տանն ու դռանը լցուած ժողովրդի բազմութեանը. երեկոյին բժշկում էր Իր մօտ բերած հիւանդներին. իսկ գիւերը սարի գլուխը բարձրացած աղօթքի էր կանգնում. և շատ անգամ էլ առաւտեան արշալուք նրան աղօթելիս էր վրայ հասնում։ Ում համար էր աղօթում արդեօք։ Մենք որ աղօթում ենք, մեղ համար, մեր որդոց, մեր ազգի, մեր եկեղեցու համար, «վասն խաղաղութեան ամենայն աշխարհի» ենք աղօթում, Իրան Յիսուսին ենք աղօթում։ Յիսուս ում համար էր աղօթում։ Նա էլ մեղ համար էր աղօթում, մեր

ՏԱՅՈՅ ՏԱՅՐԻԿ

ՆՈՐԻՆ ՎԵՀԱՓԵԼԻ ՈՒԹԻՒՆ

ԱՄԵՆԱՅՑ ՀԱՅՈՑ

S. S. ՄԿՐՏԻՉ Ա.

ՍՐԲԱՋԵԱԳՈՅՆ ՎԱՐԴԱՎԱԿՈՄ

ՀՐԱՄԱՆԱԿ

ՅԱՆՐԻԱՎԱՌԴ Տ. ՀԱՄԱՅՆՈՒՅԼ ՔԱՅԻԱՅԱՅ
ՆԱԳԱՐԵԱԱԾ.

ԺԹԻՑՄԻԱ.

ՊԱՏՈՒԱԿԱՆ ՀԱՅՐ,

Այր մի ի հարուածու, եւ գիտէ համբերել ցաւոց.—Նա զմելս մեր բառնայ՝ եւ վասն մեր չարչարի:

Յասյի Մարգարէ.

Վեհափառ Հայրիկի հրամանաւ Զեր Հայրութեան կը վերադարձնեմ ահա՝ Զեր «Զարշարանքի Շաբաթը» անուն երկասիրութիւնը, զոր ամբողջվին կարդաց Վեհ. Հայրիկն եւ շատ գոհ մնաց նորա բովանդակութենէն, լեզուի մաքրութենէն եւ ուղղովթենէն: Ստորագրած եւ հրամայած է որ տպագրութեան տաք: Յարմար կը դատէ որ յետ տպագրութեան՝ Զարշարանաց վերջին շաբթուն հրապարակ հանէք զայն:

Հասուցանելով զայս լարգելի Հօրդ, մնամ
Զեղ միշտ խոնարհ որդի Խորէն Խըհմեան.

1893 դեկտ. 22

ԽՍ. Էջմիածին.

ԵՐԿՈՒ ԿԱՐՄԻՔ

«Յիսոս Քրիստոսի Մկրտութեամ» մասիմ.

Ա.

ԱՐԺԱՆԱՊԱՏԻ ԷՄՄԱՆՈՒԵԼ

Նորընծայ քահանայ.

Ծնորհաւրելով Զեր քահանայական պատուական աստիճանն եւ բարի վայելրամն մաղթելով յայտնեմ զոհոնակութիւնս որպէս նուիրանացդ համար, նոյնպէս եւ առանձ եւա «Յիսոս Քրիստոսի Մկրտութիւնը» պարզ ժողովրդի լեզուով եւ գեղեցիկ բացատրութեամբ նկարագրութեանդ համար: Ճշմարտութեամբ ասեմ, շատ հաւանեցի եւ քանից ախորժանօք կարդացիկը ցանկայի, որ մեր ռոլոր դպրոցական ուսանողներն եւ ամէն Հայ մարդ կարդար, եւ յանձնանօթանար Աւետարանին:

Զեղ բարեկամ

Մեսրովը Արքեպիսկոպոս

21 մայիսի 1893

Համախի.

Բ.

ՄԱՏԵՆԱԽՈՍՈՒԹԻՒՆ

ՅԻՍՈՒՍ ՔՐԻՍՏՈՍԻ ՄԿՐՏՈՒԹԻՒՆԸ

(Ժողովրդական ընթերցանութեան համար)

ՍԵՐԿԱՆԱԳ Յ. ՆԱԶԱՐԵՆՅԱՑ.

ԹԻՖԼԻՍ, 1892 թ., տպ. Շարաձե, գինն է 8 կոպէկ:

Ժողովրդի հետ պէտք է խօսել ժողովրդի լեզուով: Սա այն միակ ճանապարհն է, որով հնար է ժողովրդի մեծամասնութիւնը, հաղարդիսեան ամբոխը մասնակից անել գիտութեան և բարոյախօսութեան այն մեծ բարիքներին, որ, զարգացման տարբեր աստիճանների շնորհիւ, վայելում է միայն փոքրամասնութիւնը, մինչդեռ նա սեփականութիւն է, անհրաժեշտ պիտոյք է ժողովրդի մարդուն, բուն ժողովրդին: Այսօր գըժուարամատոյց գիտութիւններն անգամ՝ բնագիտութիւն, աստղաբաշխութիւն, հոգեբանութիւն ժողովրդականացնում են գիտնական մարդիկ (Տենդալ Հելմհոլց, Գլամմարիոն, Մանտեկացցա), բայց ո՞րքան աւելի մեծ կարիք կայ բարոյախօսութեան բարձրագոյն ուսմունքները հանրութեանը մասնակից անելու: 2է որ դա այն զօրեղ լծակներից մինն է, որոնք պիտի բարձրացնեն լքեալի սիրտը, վերականգնեն նորա հոգւոյ արիութիւնը, ամրապնդեն նորա՝ իշնորհս կեղծ յառաջադիմութեան քայքայման դիմող բարոյական կա-

պերը, վերականգնեն նորա սրբութիւնները, զօրացը՝ նեն նորա հաւատը, այն հաւատը, առանց որոյ չկայ փրկութիւն, հաւատը՝ դէպի բարին, աղնիւը, վսեմը, առաքինին: Տասն և իններորդ գալը շատ առիթ ունի գանգատելու, որ հաւատի ամուր պարիսպները ձեղքոտուել են և վասնգ են սպառնում փուլ գալու:

Մեր առջել դրուած է մի փոքրիկ գրքոյկ, որ ժողովրդին յատուկ պարզ ու անշուր բարբառով ուղղակի ժողովրդի սրտին է դիմում, բացատրելով նորան քրիստոնէութեան ամենասիրուն և վեհագոյն խորհըրդներից մէկը, այն, որով Աստուածամարդը Խւր առաջին քայլը Գլուց Խւր գործոնէութեան ասպարեզի վրայով, այն, որով մաքդացեալ Աստուածը Հենց առաջին քայլում խոնարհութեան և Համեստութեան — մարդկային ալ ժանեաց երկու ամենամեծ հիմքարերի — օրինակը տուաւ, խոնարհելով Խւր գլուխը հողեղին մարդոյ առջե, որ նա վրան ջուր ածէ ու մլուտէ: Այդ համեստութիւնն ու խոնարհութիւնը նորա ամբողջ էութիւնն էր, այդ հեղութեան օրինակով էլ կնեց նա Խւր վերջին օրերը, Խւր աշակերտների ոտները լուանալով:

Աւետարանի գոհարները ժողովրդի սրտի և ուղեղի մէջ հալեցնելու այդ փորձը նոր չէ մեր մէջ. դուք ամենամեծ ջատագով հայերիս հայրիկն է, որ միշտ և հանապազ այդ արել է կենդանի խօսքով և գրով: Երջանիկ միտք է յղացել Յովհաննէս սարկաւագը այդ լուսաւոր շաւիղով ընթանալ: Ամենագողաքրիկ, բանաստեղծական պարզ բարբառով, նա բաց է անում բանուորի, խանութպանի, արհեստաւորի, մշակի, բեռնակրի առջե Մեծ Գրքի մի սիրուն երեսը և անոյշ

խօսքերով պատմելով նորան այդ սրբազան անցքի Փաքուլան, նա վերացական չոր ու ցամաք ձեւի փոխարէն բանեցնում է գործնական — իրականը: Նա մի փոքրիկ գաղափար է տալիս պատմական այդ ըթանի հրէական կեանքի մասին, աշխարհագրական և բնագիտական դիտողութիւններ է անում Յորդանան գետի և Մեռեալ ծովի նկատմամբ, կենդանի ներկայացնում է մեր առջե Յովհաննէս Մկրտչին և նորա կոչումը:

Եյնուհետեւ նկարագրելով բուն անցքը, նա բացատրում է և բուն խորհուրդը, խոնարհութեան գաղափարը:

Ահա այսպիսի մի գրքոյկի պէտք ունի ամէն մի հայ քրիստոնեայ, որ տակաւին համոզուած է թէ հաւատը այն ամուր հիմաքարն է, որի վրայ շինւում են բարի ու առաքինի գործերի մեծ ու փոքր շէնքերը:

Յ. Լ.

«ԱՐՁԱԳԱՆՔ» 1892 թ. № 146.

ԷՍ ԳՐՈՒԱԾ-ՔԻՍ ԿԱՐԴԱՑՈՂՆԵՐԻՆ.

Սիրելի կարդացող,

«Յիսուս Քրիստոսի Մկրտութիմը» անունով
մի գրքով տպեցի. չգիտեմ՝ լաւը ի՞մ գրածն էր, թէ
դու էիր, որ կարճ ժամանակում հազարաւորը ծա-
խուեց: Ամէն տեղ, ուր որ գնաց իմ փոքրիկ գրուած-
քը, ամէն տեղ, ուր որ նա քարոզեց մեր Տիրոջ մկրտու-
թեան խորհուրդը, գրկաբաց ընդունուեց: Միթէ, յի-
րաւի, նա էնքան լաւն էր: Զեմ կարծում: Խնձ թւում
է թէ գրքոյիս կարդացողները, գովասանքներ գրելով
նրա մասին, ոչ թէ նրա իսկական արժանաւորութիւնն
են գին դրել, այլ գրողին են ուզեցել սիրտ տալ,
խրախուսել, որ աւելի լաւերը գրի: Ուզել է թէ սիսալ
իմ կարծիքը, — չգիտեմ: Բայց ես էնքան ոգեսրուեցայ,
որ սկսեցի մի նոր բան ել գրել:

Կարելի է, դու ուզում ես իմանաւ թէ ինչ մտա-
ծեցի ես, որ էս անգամ Զարշարանքի Շաբաթն
ընտրեցի: Ասեմ քեզ:

Ամենքիս յայտնի է որ մենք հոգեսրականներս
ժողովրդին եկեղեցում տեսնում ենք միայն մեծ-պասին:
Ուրիշ օրեր, մանաւանդ լուր օրերը, արձակման «Հայր
մեր»-ն ասելուց յետոյ, ամաչում էլ ենք շուր գալ և
«Օրհնեալք եղերուք»-ն ասել, բանի որ գիտենք՝ ետե-
ներս մարդ չկայ կանգնած: Միայն մեծ-պասին է, որ
հայ մարդը, յիշելով որ ինքը բրիստոնեայ է, օրերը՝
պաշխարութեան օրեր. յիշելով որ էս փուչ աշխար-

չում մեղք ու վարձք կայ, էն երանական աշխարհում
քննութիւն ու գատաստան կայ, — տնից դուրս գնալիս
սատանին թքում է, Աստծու անունը տալիս և բըռ-
նում է եկեղեցու Ճանապարհը: Մտնում է Աստծու
տաճարը: Ա՛ս, ինչպէս խամացել է. չգիտէ՝ որտեղ
կանգնի, ինչպէս կանգնի, ինչ անի ու ինչ չանի, որ
չորս կողմի կանգնողներից չամաչի: Լաւ միտքը չէ գա-
լիս թէ երբ պէտք է ծունդ դնի, երբ երեսը խաչակըն-
քի: Երկու օրից յետոյ էդ ամէն բանում վարժւում է,
և սկսում է ուշքը՝ գարձնել եկեղեցում կարդացուող
ու երգուող բաների վրայ: Մի խօսքով՝ էլի «Հին հա-
ւատը» միտքն է գալիս ու ամէն բան կարգի ընկնում:

Հ
Յ
Շ
Ո
Շ
Շ
Վ
Վ

Եւ ինչ քրիստոնեայ կ'ըլնի էն Հայն, որ մեծ-
պասին էլ եկեղեցի չգնայ: Կարելի՞է, միթէ, որ քրիս-
տոնեայ մարդը տալին գոնէ մի քանի շաբաթ, մի քա-
նի օր չմոռանայ էս անցաւոր, խաբուսիկ աշխարհը ու
մի քիչ չմտածի էն անանց, իսկական աշխարհի մասին,
որ յաւիտենական ժամանակներից ստեղծող Աստծու-
ածը պատրաստել է մարդուս համար: Առաքեալն ա-
սում է. Եթէ յոյներս միայն էս հողեղէն աշխարհի-
վրայ ունենք դրած, և ոչ թէ էն հոգեղէն աշխարհի-
վրայ, անասուններից էլ վատթար ողորմելի ենք: Եւ,
ձշմարիտ, մարդս ստեղծուած է ոչ թէ էս աշխարհը
վայելելու, այլ՝ Աստծուն վայելելու համար: Ինչպէտ
իր բնիկ երկրից դուրս գնացած մարդը պանդուխտ է
ասւում, էնպէս էլ մենք ամենքս էս աշխարհում պան-
դուխտ ենք, — որովհետև ամենքիս բնիկ երկիրը՝ հայ-
րենիքը երկինքն է, քանի որ ամենքիս Հայրն էլ եր-
կընքումն է:

Այս՝ գոնէ տարին մի քանի օր եկեղեցին մոռացնել է տալիս մեզ էս աշխարհը, որի վրայ մենք պանդխտացած ենք, և մեր հոգին թեաւորում է դէպի մեր հայրենիքը՝ դէպի երկինքն ու երկնքի Ստեղծողը։ Ապրեն մեր անմահ սուրբ հայրապետները, օրհնուի Նրանց սուրբ յիշատակը, որ էսպէս սիրուն զարդարել են եկեղեցին հոգեւոր երգերով ու հոգեորոշ արարողութիւններով։

Մեծ պասի ապաշխարութեան օրերում համարեաւ ամէն հայքիստոնեայ պարտականութիւն է համարում եկեղեցի գնալ, ժամ պատարագ տեսնել, քարող լսել, մոլար ճանապարհից յետ դալ, մեղքերը խոստովանել և իր Փռկիչ Յիսուս Քրիստոսի կենդանի ու կենդանարար Մարմինը, Արիւնը, Հոգին ու Աստուածութիւնը եր մէջ ընդունելով՝ ճաշակուել էս աշխարհի մեղքի փուշը կոտրել էն աշխարհի վարձքի պսակը ստանալու համար։

Շատ բան է լսում մեր ժողովուրդը մեծ պասի քարոզներից, Խօսք չկայ. բոլորն էլ լաւ, խելացի ու հոգեշահ մտքեր։ Բայց մի շատ հարկաւոր բան համարեաւ ամէն քարոզչի կողմից մոռացութեան է տւուած։ Ի՞նչն է էդ շատ հարկաւոր բանը. — մեր Տէր Յիսուս Քրիստոսի երկրաւոր կեանքի վերջին օրերը՝ նրա չարչարանքը, դատապարտութիւնը, մահը և յարութիւնը. մի խօսքով՝ Զարչարանքի շաբաթը։

Ե՞ն, ինչին որ մենք մեծ պաս ենք ասում, եօթը շաբաթ կամ յիսուն օր չէ, ինչպէս սովոր ենք ասել. դրանից պահաս է։ Մեծ պասը իսկապէս քառասուն օրուայ պաս է. էդ պատճառով էլ մեր եկեղեցական

դրբերում նա Քառասնորդական պահը է ասւում։ Մեծ պասը սկսում է Յունքարեկենդանից յետոյ առաջին չորեքշաբթին և, Ծաղկաղարդ կիրակի օրը հասնելով քառասուներորդ օրին՝ վերջանում է։ Էդ քառասուն օրն է միայն ապաշխարութեան օր. Նրանից յետոյ էլ ապաշխարութեան ժամերգութիւն չէ լինում, ս. սեղանի վարագոյն էլ բացւում է ու բաց մը նում։ Վերջին, եօթներորդ շաբաթը՝ էլ մեծ պասին չէ վերաբերում. սյլ Յիսուս Քրիստոսի գլխովն անց կացած, նրա անօրինական օրերն են, որոնց սովորաբար ասում ենք Զարչարանքի շաբաթ։ Էդ շաբաթապասն էլ սահմանուած է ի պատիւ Յիսուսի տնօրինական օրերի. և թէ նաւակատիքը ու թէ ճրագալոյցը յատուկ է՛դ շաբաթ օրուայ համար են սահմանուած։ Մի խօսքով՝ ինչպէս որ Զատիկը ապաշխարութեան օրերի զարդն է, էնպէս էլ Զարչարանքի շաբաթը Մեծ պասի թագն ու պսակն է։

Ճշմարիտ է, Զարչարանքի շաբաթուայ մասին գուշատ բան հասկացած կ'ընես ս. Աւետարանի մարգարտաշար խօսքերից, Ծարականի սոկետող երգերից և եկեղեցու հոգեպարար արարողութիւններից. բայց էդ բոլոր լսածներդ ու միս տեսածներդ գժուար թէ բեղ համար էնքան պարզ ըլնեն, որ կարիք չունենաս աւելին լսելու։

Զարչարանքի շաբաթը մի գեղեցիկ պատկեր է, բայց վրան քող գցած։ Ամէն մարդ չէ տեսնում նրա գեղեցկութիւնը։ Պէտք է բարձրացնել վրայի բօղը, պէտք է լցոս սփռել վրան, որ պատկերը իր բոլոր

մասներով գրոշմուի ամէն նպարակ սրտումը, տպուի ամէն տեսնողի հոգումը:


Յզյս ունեմ, որ էս փոքրիկ գրուածքը էդ կողմից մի թեթև ծառայութիւն կ'անի քեզ:

Հ. թ. Նազարեան:



փրկութեան, մեզ սահմանալի գերութիւնից փրկելու համար: Նա Իր Հօրն էր աղօթում, որ օրհնի ու յաջողեցնի Իր սկսած սուրբ գործը:

Ի՞նչպիսի հիւանդութիւններ էր բժշկում: Ամէն տեսակ.—կոյրերին աչք էր տալիս, կաղերին՝ ոտք, մնչերին՝ լեզու, խլերին՝ ականջ. դիւահարներին դիւահան էր անում, անդամալոյներին բըժըշկում էր, բորոտներին սրբում, մեռելներին յարութիւն էր տալիս: Եւ էդ բոլոր բժշկութիւնները նա անում էր ոչ թէ մեր բժիշկների պէս՝ դեղերով, այլ՝ Իր մէկ աստուածային խօսքով կամ ձեռքը հիւանդի վրայ դնելով:



Ի՞նչ էր քարոզում նա:— Նա քարոզում էր՝

հաւատ դեպի Ինքը, յոյս՝ դեպի յաւիտենական կեանքը և սէր՝ դեպի ամենքը:

Նա քարոզում էր մարդասիրութիւն և դրանով՝ աստուածականիրութիւն։ Նա աշխատում էր հասկացնել որ մարդարէների բոլոր գրուածքները և Աստծու տուած օրէնքները պարունակուած են մարդ և Աստուած սիրելու մէջ։ «Ամբողջ Աստուածաշունչ Սուրբ Գրքի միտքը, ասում էր, էդ երկու կէտի մէջ է ամփոփուած»։ Եւ շատ պարզ է։ Ո՞վ մարդասէր չէ, նա չի կարող աստուածասէր ըլնել։ Ինչո՞ւ. — որովհետեւ, եթէ մարդուն, որ տեսնում ենք ու չենք սիրում, Աստծուն, որ չենք տեսնում, ինչպէս կարող ենք սիրել։ Մարդասիրութեան օրինակը Աստուած Ինքն է տուել մեզ։ Նա էնքան սիրեց մեզ, — մեզ, որ երեսներս շուր էինք տուել Նրանից ու մեր չար գործերով անարդում էինք Նրա սուրբ անունը, — էնքան սիրեց մեզ, ասում եմ, որ իր մէկ հատիկ, միաձին Որդին ուղարկեց աշխարհ մեր փրկութեան համար, էն էլ ոչ թէ աստուածավայել փառքով, այլ՝ մի հասարակ մարդու պէս, մարդկալին նուաստ կերպարանքով։

Իսկ մենք ինչ արինք դրա փոխարէն, ինչով ցոյց տուինք մեր աստուածականիրութիւնը։ Ո՞չ մի բանով. դրա հակառակ՝ մենք խաչեցինք Նրա Որդուն. մենք սպանեցինք մեր Փրկչին։ Դուք կ'ասէք. «Մենք չենք խաչել Յիսուսին. Հրէաներն են խաչել»։ Էդ մի և նոյն է. թէ մենք, թէ հրէաները. երկուսս էլ ստեղծուած ենք Աստծու անունը փառաւորելու համար, երկուսս էլ մարդ ենք։ Բաւա-

կան է որ՝ մարդը խաչել է Աստծուն, արարածը սպանել է Արարչին. իսկ հայ էր խաչողը, թէ հըրէալ, — էդ մի և նոյն է։ Հրէաները խաչեցին, ոչ թէ հայերը՝ ին պատճառով, որ նա հրէաների մէջ երևեցաւ, ոչ թէ հայերիս մէջ։ Մեր մէջը երևար Քրիստոս, մեր մէջը ապրէր, մեր՝ հոգեորականներիս արարքները երեսներովս տար, — մենք կը խաչէինք Նրան։

Ինձ թւում է թէ՝ էդ կողմից հրէաները մեզնից լաւ են։ Ի՞նչպէս. — էնպէս, որ հրէաները չը ճանաչելով Նրան՝ խաչեցին. իսկ մենք, ճանաչելով, Աստուած դաւանելով ու Նրա անունը մեզ վրայ կրելով՝ խաչում ենք Նրան։ Հրէաները մի անգամ խաչեցին Նրան, մենք ամէն օր ենք խաչում։ Մեղքն ու մոլութիւնները էնպէս խորն են բուն գրել մեր մէջը, որ օր չի անցնի, որ մեր որ և է արարմունքով չանպատուենք Քրիստոսի անունը։ Մեր ամէն մի չար գործը մի նոր մեխ է, որ մենք ցցում ենք Նրա սուրբ ձեռքերին ու ստքերին։ Մեր ամէն մի կիրքը, մեր ամէն մի ցած սրտուզելիքը, որի ձեռք բերելու համար չենք քաշում ամէն տեսակ անխիղմ ու անսամօթ չարութիւն անելուց՝ մէկի տունը քանդելուց, միւսի անունը կոտըելուց, երրորդի վիզը կտըելուց, — մեր էդ ամէն կիրքը, ասում եմ, մի նոր փշէ պսակ է, որ դնում ենք Նրա աստուածալին գլխի վրայ։ Հապա ամէն անգամ Նրա պատուական մարմինն ու արիւնը անարժանութեամբ ճաշակելիս՝ միթէ նորից չենք խաչում Նրան։

Բայց պատճառն ի՞նչ էր որ հրեաները խաշեցին Նրան։ Ի՞նչ էր արել նա՝ որ ամէն տեսակ սըտեր հնարեցին Նրա մասին, յանցանքն ի՞նչ էր։ «Յանցանքների քաւողը» ի՞նչ մեղք, ի՞նչ յանցանք պէտք է ունենար։ Ո՛չինչ։ Յիսուս ամէն անարգանք կրեց, ամէն անպատճելուն ստացաւ միայն էն պատճառով, որ ճշմարտութիւնը խօսեց, ճշմարտութիւնը պաշտպանեց, ճշմարտութիւնը բարձրացրեց։ Եւ ճշմարտութեան առաջին մարտիրոսը, առաջին նահատակը Ի՞նքն էլաւ։ Բայց ի՞նչպէս պաշտպանեց ու բարձրացրեց ճշմարտութիւնը։ Աշխարհի հրապարակի վրայ, դատաւորների ու թագաւորների առաջը, ժողովրդի բոլոր դասակարգերի դիմացը։ Նա չխնայեց ոչ դպրին (ուսումնականին), ոչ փարիսեցուն, ոչ քահանալին, ոչ ժողովրդին։ Ամենքի պարսաւելի, կեղտոտ արարմունքները երեսներով տուեց։ Մէկ էդափիսի մարդու՝ մեր ժամանակում քանի՛ օր գլուխն ուսերի վրայ կը թողնէին։ Բայց Քրիստոս ամբողջ երեք տարի՝ քարոզեց ճշմարտութիւնը, որի համար Ինքը աշխարհ էր եկել։ Զէ որ Ինքն էր՝ անձուկ «Ճանապարհը», մարմնացած «Ճշմարտութիւնը» և երանական «կեանքը», — մի խօսքով «Աստուած ճշմարիտ, յԱստուծոյ ճշմարտէ»։


Մեզանում ճշմարտութիւնը միշտ ոտքի տակ է ընկած. ոչ ոք չէ համարձակում բարձրացնել Նրան։ Եւ, եթէ պատահում է, մէկը սիրտ է անում բարձրացնել Նրան, իսկոյն գլուխն առնում կորչում է։ Ասած է. «Թրուստ խօսողը մի ձի պէտք

է ունենայ, ասի ու փախչի»։ Բայց Քրիստոս չէ թէ ճշմարտութիւնն ասելուց չէր վախենում հեռանում, այլ նրանք էին խկոյն փախչում կորչում, որոնց վրայ թափում էր Նրա ճշմարտութեան կրակն ու կալծակը։ Նատ անգամ գալիս էլ էին Նրան բռնելու. բայց երբ տեսնում էին որ Նա կանգնած է ինչպէս մի անսասան ժայռ, որ կուրծքը դէմ է տուել կատաղի ալիքներին, երբ տեսնում էին որ Նրա խօսքերի ու խորհուրդների մէջ ճշմարտութիւնն է թագաւորում, գլխնեղը կախյետ յետ էին քաշում, որ ամօթից գետինը չմըտնեն Նրա աշքի առաջը։

Բայց սա մի վերջ պէտք է ունենար թէ չէ. մինչեւ Երբ պէտք է Նրանք էդքան թուք ու մուր կուլ տալին։ Պէտք էր ազատուել Նրանից։ Բայց ի՞նչպէս անէին։ Ո՛չ ոք չէր կարող տրտնջալ Նրա դէմ, որ Նա ճշմարտութիւնն էր ասում խօսում։ Ո՞վ կը համարձակէր ասել թէ՝ «Ճշմարիտն ինչու ես ասում, սուտն ասա»։ Երբ որ էդ չէր կարելի անել, մնում էր որ անմեղի մէջը մի մեղք գտնէին, մի բանում Նրան մեղաւոր դուրս բերէին, իրանց անօրէն գործին մի օրինաւոր ձև տալին։ Գալի ու գառան առակը լաւ օրինակ է մեզ համար։ Մի անմեղ, անարատ գառն է ըլնում։ մի աղբիւրից ջուր խմելիս։ Յանկարծ աղբիւրի գլխին մի քաղցած գալլ է լոյս ընկնում և գառնուկին տեսնելով ու Նրան լափել ուգելով՝ բայց Նրանում ոչ մի յանցանք չգտնելով, Երբ դու, ասում է, էդտեղ, ներքեց խմում ես, էստեղ, վերև իմ խմելու ջուրը

պղտորւում է»։ Քրիստոս էլ՝ «Գառն Առտուծոյ» ընկել էր գալերի ձեռքը, և պէտք է մատաղ գնար հրէաների քահանալապետների չար նախանձին։


Նրանք Յիսուսին առաջ տարան իրանց սահմանին կոչուած բարձրագոյն դատարանը, որտեղ եօթանասուն ծերեր դատաստան էին նստում, լեռու իրանց Աննա ու Կայիշափա դատաւորների մօտ, որոնցից առաջինը երկրորդի աներն էր։ Սրանք ոչ թէ Մովսէսի օրէնքովն էին ընտրուած, այլ հռոմալեցիներից էին կարգուած*): Բայց որովհետեւ



գրանք ոչ լանցանք գտան Քրիստոսի մէջ, ոչ էլ մահուան վճիռ տալու իրաւունք ունէին, էղ պատճառով, երբ 12 առաքեալների մէջ գտնուեց մէկը,

*) Սրանք երբեմն միասին էին կատարում քահա-

գտնուեց մի Յուդա, որ փողի սիրուցը, էն էլ ինչ, 30 արծաթի, տիսինքն՝ 25 ուուլի 50 կոպէկի սիրուցը, գիշերուայ մժութեան մէջ ցոյց տուեց թշնամիներին Յիսուսի տեղը, համբուլելով Յիսուսին՝ մատնեց անմեղ Գառը գալերի ձեռքը, — նրանք էլ իրանց դատաստանով Նրան մահապարտ դուրս բերելով՝ մատներին փաթաթեցին մի քանի՛ գէսից գէնից հաւաքած հնարած խօսք, և Յիսուսի ձեռքերը, հրաշագործ ու արարչագործ ձեռքերը կապած՝ առաւօտը վաղ տարան հռոմալեցոց դատաւորի սենեակը։



Պէտք է զիտենաս, սիրելիս, որ էղ ժամանայապետական պաշտօնը, ինչպէս Յովհաննէս Մկրտչ

Նակները հրէաների ձեռքից խլուած էր իրանց թագաւորութիւնը և նրանց երկրի՝ Պաղէստինէի վրա տիրում էին կուապաշտ հռոմայեցիները։ Եւ որովհետև հռոմայեցոց երկիրը – Խտալիան շատ հեռու էր Պաղեստինէից, էդ պատճառով նրանց կալսրները մի թագաւոր էին նշանակում էդ երկրի վրայ՝ նրան կառավարելու համար։ Բացի դրանից՝ կալսրի կողմից նշանակուած էր մի կուսակալ կամ դատաւոր, որ սովորաբար բնակում էր Պաղեստինէի Կեսարիա քաղաքում։

Հրէաները սաստիկ ատում էին հռոմայեցիներին և միշտ ատամըները կրծտեցնում էին՝ նրանց լուծը իրանց վրալից թօթափելու, դէն գցելու համար։ Յիսուսի օրերում հռոմայեցոց կալսրն էր Տիբերիոսը, որ հրէաների վրայ թագաւոր էր նշանակել Ուծ Հերովդէսի^{*)} որդի Հերովդէս Անթիալ-

քարոզութեան առաջին տարումը, և երբեմն առանձին, այսինքն՝ մի տարի մէկը, միւս տարի՝ միւսը։ Էստարին մինչև իրանց զատկի տօնը քահանայապետը Կայիափան էր. իսկ հետեւալ տարին, Յիսուսի մահից յետոյ՝ եղաւ Աննան։

*) Դա էն Հերովդէսն էր, որ՝ կարծելով թէ Քրիստոս էլ իրպէս մարմնաւոր կերպով պէտք է թագաւորութիւն անի, կամեցաւ Նրան սպանել տալ։ Եւ գեռ Քրիստոս 15 ամսական երեխայ էր, երբ էդ քարասիրտը Բեթլեհէմ քաղաքի չորս կողմը գտնուած 84 գիւղից 1462 անմեղ երեխայ կոտորել տուեց իրանց մայրերի գրկում, մտածելով որ կարելի է մանուկ Յի-

սին, իսկ դատաւոր էր ուղարկել Փրկչի 26 թուին դատաւորների մէջ վեցերորդին, որի անունն էր Պիղատոս։

Պատէքի կամ զատկի տօնին, երբ Երուսաղէմ քաղաքում երկու միլիոն մարդ էր հաւաքւում, երկիւղ կար՝ ըըլնի թէ հրէաները կալսրի իշխանութիւնից ազատուելու փորձը փորձէին, ապստամբուէին։ Ես պատճառով, ժողովրդի մէջ խաղաղութիւն ու կարգ պահպանելու համար՝ հռոմայեցի դատաւորը, իր զօրքի մի մասը հետև առած՝ գնում էր Երուսաղէմ և իջնում Ս'եծ Հերովդէսի փառաւոր պալատում։

սումն էլ նրանց մէջը գտնուի ու սպանուի։ Խեղճ Երեխաների անշունչ մարմինները, ինչպէս կարկտի ջարդած նռան ծաղկներ, ծածկել էին գետինը։

ՊԻՂԱՏՈՍ

Կացեալ ի յատենի երկրորդ Ադամ
վասն առաջինն Ադամայ պարտեացն
թողութեան, համբերելով վասն զմեղ
կեցուցանել:

Յարական.

Ի՞նչ մարդ էր Պիղատոսը:

Դա մի հոռմաւեցի էր, որ իր լաւութիւնովն
էր թէ խորամանկութիւնովը՝ հասել էր գատառ-
քական բարձր պաշտօնին: Բայց բանը բարձր պաշ-
տօնների հասնելը չէ: Բանն էն է, որ մարդս իրան
յանձնուած պաշտօնի զօրութիւնը լաւ հասկանալ,
չափի իր ուժերը, և էնպէս ընդունի մի պաշտօն:
Եղ էլ դեռ բաւական չէ: Նա պէտք է ազնիւ ու
անկողմնապահ ըլնի, իմ ու քո, բարեկամ ու օտար
չպէտք է հարցնի: Նրա առաջը հայն ու վրացին,
թուրքն ու քրիստոնէն մէկ պէտք է ըլնի: Նա իր
ազգի օգուտը իր օգուտից բարձր պէտք է համա-
րի: Մի խօսքով՝ իր անունն ու պատիւը իր տեղը
պահելու համար, իր վրէն մի բիծ, մի կեղտ չը-
կպցնելու համար՝ նա աւելի լաւ պէտք է համա-
րի հրաժարուել, հեռանալ իր պաշտօնից, — ի՞նչքան
էլ փափուկ, ինչքան էլ բարձր ըլնի եդ պաշտօնը, —
քան թէ իր խղճմտանքի հակառակ մի բան անի:

Էս բոլոր ասածներս պէտք է աչքի առաջ ու-
նենայ ամէն բարձր պաշտօն ստացող մարդ, մա-
նաւանդ ուրիշների վրա իշխելու, ուրիշներին կա-
ռավարելու ծանր պաշտօնը յանձն առնող մարդը:
Հապա ի՞նչ ասենք էն մարդուն, որ գատառը-
կան սուրբ պաշտօնն է յանձն առնում: Ո՛չ բարե-
կամի սէրը, ոչ թշնամու ատելութիւնը, ո՛չ կա-
շառքի մեծութիւնը, ոչ պաշտօնից զբկուելու եր-
կիւղը, — ոչի՞նչ բան չպէտք է ծոի նրան արդա-
րութեան ճանապարհից:

Գանք հիմա մեր հոռմայեցի կռապաշտ դա-
տաւորին: — Երբ Պիղատոսը ծիրերիոս կալսրի հրա-
մանով Հռոմ քաղաքից գուրս եկաւ Հրէաստան
գնալու, անկասկած, մտքովն էլ չէր կարող անց-
կացնել որ իր եդ նոր պաշտօնը պէտք է յայտնի
անի իր անունը ո՞չ թէ մենակ Հռոմի ու Երուսա-
ղէմի մէջ, այլ և էն բոլոր աշխարհների մէջ, որ-
տեղ կարգացւում է Յիսուսի սուրբ Աւետարանը,
որտեղ տօնւում է Նրա մահն ու յարութիւնը: Նա
չէր կարող մտքովն անց կացնել, որ իր անելիք շատ
գատերի ու գատաստանների մէջ, իր տալու շատ
վճիռների մէջ պէտք է անի մէկ էնպիսի գատաս-
տան, պէտք է տայ մէկ էնպիսի վճիռ, որ անջըն-
ջելի է մնալու Հռոմի գիւտանական գործերի մէջ,
քանի որ կարող է աշխարհումս մնալ Հռումն ու
Հռոմայեցոց տէրութիւնը:

Պիղատոսը չգիտէր որ՝ գուրս գալով կռապաշտ-
ների աշխարհից և մտնելով աստուածապաշտնե-
րի աշխարհը՝ պէտք է ոտք դնէր հրաշքների եր-

Կերը։ Նա չգիտէր որ էն օդը, որ պէտք է շնչէր ինքը, լի է մարգարէների որոտացող ձախնով։ Զգիտէր որ մտնում է մէկ էնալիսի երկիր, որի ամէն մի անկիւնը մէկ օր երկրպագելի է դառնալու, և որտեղ իր գոռոզ կալսրները ոտք կոխելիս՝ պէտք է մերկացնեն իրանց գլխները։ Զգիտէր որ մի լիսուն տարուց յետոյ իր հպարտ Հռոմը աշակերտի պէս դասեր պէտք է առնի գալիլիացի ձկնորսներից, և որ իրպէս հռոմայեցիներին գլուելիք առաքելական թղթերը ամէն օր պէտք է կարդացուին քրիստոնեալ աշխարհի բոլոր եկեղեցիներում։ Նա չգիտէր որ Հրէաստանը տնքում էր մեծ-մեծ բաների սպասելով՝ որ Խրայէլը անհամբեր սպասում էր իր Մեսիալին, իր Փրկչին, իր յաղթական Թագաւորին, Որ պէտք է նորոգէր Դաւթի թագաւորութիւնը, պէտք է ոտքի կանգնեցնէր Յակոբի կործանուած տունը, պէտք է բարձրացնէր նրախորտակուած փառքը։ Նա չգիտէր, վերջապէս, որ մտնելով Հրէաստանի սահմանը, մի աստուածալին տեսարան, մի հրաշալի ու հրաշքներով լի թառն պէտք է բացուէր իր առաջը։

* *

Պիղատոսի մօտ բերել են մի կալանաւոր, ու ըին հրէաների նախանձոտ ու անգութ քահանաւապետներն ու դատաւորները մահապարտ են ճանաչել, բայց որի անցեալը փոխանակ չար ու անկարդ գործերով գրոշմուած ըլնելու՝ բարեգործութիւններով ու հրաշքներով է զարդարուած։ Մարդացած Աստծու տեսքը նրա վրայ չարագործի տը-

պաւորութիւն չէ անում. ընդ հակառակը՝ Նրա երեսից Խոնարհութիւն, իմաստութիւն ու սրբութիւն է կաթկաթում։ Դատաւորը հէնց սկզբից հակում է Մեղադրեալի կողմը։ Դեռ հալա գործի հետ չէ ծանօթացել, դեռ նա բանի էութիւնը չգիտէ, բայց մտքում դնում է Նրան անմեղ դուրս բերել։ Մի կողմը ինքն է կանգնած, միւս կողմը՝ քահանալապետներից խրատուած կոյր ժողովուրդը, ահագին ամբոխը. Մեղադրեալը ոչ մի պաշտպան չունի։ Տեսնենք ինչպէս պէտք է գլուխ դուրս տանի։

Բայց ինչ բանում են մեղադրում Կալանաւորին։ Իր տունը իր ձեռքով քանդող միամիտ ժողովուրդը, իր աչքի լոյսը իր ձեռքով հանող խաբուած ժողովուրդը Նրան էս երեք բանումն է մեղաւոր ճանաչում։

1) Իբր թէ Յիսուս Իրան հրէաների թագաւոր է համարում.

2) Իբր թէ չէ թողնում որ հրէաները հարկան հուսմայեցոց կալսրին. և

3) Իբր թէ իրանց 46 տարում շինած տաճարը ուզում է քանդել տալ ու երեք օրում շինել։

Ո՞վ որ ծանօթ է էլել Յիսուսի երեսուն տարուայ կեանքին, — Նրա ծնուած օրից մինչև Յովհաննէսից մկրտուելու օրը, — և ո՞վ որ յետոյ, վերջին երեք տարուայ մէջ տեսել է Նրա արած բըժըշկութիւններն ու հրաշքները, լսել է Նրա քարոզութիւնները, — պարզ կարող է հասկանալ որ էդ երեք մեղադրանքներն էլ անմեղին զօրով մեղա-

Նոր դուրս բերելու համար շատ անյաջող կերպով հնարած ստեր են: Յիսուսին նրա արած ուրիշ ամէն մի գործի, ամէն մի խօսքի համար էլ էին մեղադրում հրէաների ուսումնականներն ու փարիսեցիները: Բայց քանի որ ամէն էդպիսի ժամանակ նա իր իմաստուն պատասխաններով պապանձեցնում էր էդ անխիղճ հակառակրդներին, որոնք գուր էին գլուխ կոտրում էս՝ հոգիների արևի վրայ բծեր տեսնելու համար,— էդ պատճառով բերան չէին բերում առաջուայ մանր-մունը մեղադրանքներն ու բամբասանքները:

Տեսնենք հիմա թէ ինչ ստեր են փչում նրանք դատաւորի առաջը՝ իրանց կաշառած սուտ վկաների բերանով:

Առաջին մեղադրանքը իբր թէ Յիսուս նրան հրէաների թագաւոր է անուանում — ջրում ու ջնջում է Յիսուսի տմենապարզ կեանքով, որի մէջ ոչ միայն թագաւորելու ոչինչ յանկութիւն չնկատուեց ամբողջ երեք տարուայ մէջ, այլ և մի սովորական հպարտութեան նշոյլ անդամ չերևեցաւ: Որ Յիսուս մարմնաւոր կերպով հրէաների վրայ թագաւորելը իր մտքնին անդամ չէր անցկացրել, — էդ պարզ երեսում է իր ասած խօսքերից թէ՝ «Աղուէսներն էլ գետնափոր բներ ունեն, երկնքի թռչուններն էլ ծառերի կատարին՝ բներ. բայց մարդու որդի Յիսուսը էնքան տեղ էլ չունի, որ գոնէ կարողանայ իր գլուխը դնել հանգստանալ»: Եւ միթէ ինքը Պիղատոսը կը խաբուէր էդ ստախօսութիւնից, քանի որ նրանց լաւ էր ճանաչում: Նրան շատ լաւ

յայտնի էր որ իրանք հրէաները՝ հոռմայեցոց իշխանութիւնից ազատուելու համար, մեծ ուրախութեամբ կ'ընդունէին մէկ էնպիսի խոռվարար մարդու, որ իրան հրէաների թագաւոր համարելով իրանց է թև ու թիկունք դառնում:

Երկրորդ մեղադրանքը — իբր թէ Յիսուս խառնը-ւում է հրէաների քաղաքական գործերի մէջ և չէ թողնում որ նրանք հարկ տան կայսրին — էնքան հնարովի է, որ դատաւորին հարկաւոր էլ չէր գրա մասին հարցուփորձ անել Մեղադրեալին, քանի որ իրան լաւ լայտնի էր որ ամէն իսրայէլացի օր առաջ ցանկանում էր ազատուել օտարին հարկ տալուց և նրա իշխանութիւնը ճանաչելուց: Մի բան միայն ճշմարիտ է. էդ էն է, որ երբ փարիսեցիների աշակերտները մէկ անգամ ուզում էին Յիսուսին խօսքով բռնել, հարցըին նրան թէ՝ «Պէտք է որ կայսրին հարկ տանք թէ ոչ», — նա հարկի գահեկանը (փողը) ուզելով և նրա մի երեսի վրայ փորագրուած պատկերը և միւս երեսի վրայ գրուած գերը ցոյց տալով՝ պատասխանել էր. «Եթէ գիտէք որ էս պատկերն ու էս գիրը կայսրինն են, ուշեմն, գնացէք — կայսրինը կայսրին տուէք, Աստծունը՝ Աստծուն»: Նա, ուշեմն, ոչ թէ չէ արգելում, այլ և հրամայում է՝ կայսրին պատկանած հարկը կայսրին տալ:

Երրորդ մեղադրանքը — Յիսուսի ասածը Երուսաղէմի տաճարի մասին թէ՝ «Քանդեցէք էդ տաճարը, և ես երեք օրում նորը կը շինեմ» — մի երկու բերնանի սուր էր, որ էս կողմն էլ էր կտրում,

Են կողմն էլ, ուղիղ էլ էր, սուտ էլ էր։ Դա մի կողմից մեղադրանք էր, միւս կողմից մեղադրանք չէր։ Մեղադրանք չէր, որովհետև Ինքը Յիսուս, երբ վերջին անգամ մաքրեց Երուսաղէմի տաճարը, Աստծու տունը ամէն տեսակ քաներով առուտուր անողներից, դուրս քշելով նրանց, ասել էր ամենքի առաջ էդ խօսքերը։ Բայց ուսումնականներն ու փարիսեցիները շատ լաւ էին հասկանում, որ էդ խօսքերը Յիսուս իր մարմնի մսերէն տաճարի մասին էր ասում։ Նրանք շատ լաւ էին հասկանում որ տաճարի քանդելը—իր մարմնաւոր աւերմունքը, իր մահն էր նշանակում։ իսկ երեք օրում նորը շինելը—իր՝ երրորդ օրը լարութիւն առնելը։ Մեղադրանք էր, որովհետև նա քարից ու փայտից շինած տաճարի մասին չէր ասել, բայց ալդ բոպէին նրանց էդ վերջինն էր ձեռնտու։

Պիտատուր մտածելով չընի թէ՛ էս Կալանաւորը ուղիղ որ և է կերպով կարող է վնասակար ըլնել Հռոմի կայսրութեանը, և կամենալով Իրանից պարզը իմանալ, հարցնում է Յիսուսին. «Ուղիղ, դու հրէաների թագաւորն ես»։

Յիսուս պատասխանում է.

«Ա՛յ ողորմելի, երկնքի ու երկրի Ստեղծողին դու մի փոքրիկ ազգի թագաւորութիւն ես տալիս. ծովերի ու ցամաքների Տիրոջը հրէաների թագաւոր ես անուանում։ Աչքերդ լաւ բաց արա. քո առաջը կանգնած է նա, «Որին երկինքը չէ բաւականանում իր մէջը տեղաւորելու»։ քո առաջը կանգնած է նա, «Որի համար երկինքը աթոռ է,

երկերը՝ ոտքի պատուանդան»։ քո առաջը կանգնած է նա, «Որի երեսի շլացուցիչ փայլից Սերովբէ ու Քերովբէ հրեշտակապետները թևերով երեսները ծածկում են։ Քո առաջը կանգնած է դատաւորների դատաւորը, թագաւորների թագաւորը, աստուածների Աստուածը, «Որի թագաւորութեանը ոչ սկիզբն է էլած, ոչ էլ վերջը կ'ըլնի»։

«Դո՛ւ, ով ժամանակաւոր դատաւոր, որ հոգով ու մարմնով կպած ես էս նիւթական, էս հողեղէն, էս ժամանակաւոր աշխարհին, որ միայն մի փոշու հատիկ է իմ ստեղծած անսահման ու անչափելի աիեզերքի մէջ. դո՛ւ, որ երկրաւոր փարթամութիւնները, ժամանակաւոր զուարձութիւններն ու անցաւոր վայելչութիւնները վերջնական երանութիւն ես համարում. դո՛ւ, որ ոչինչ հասկացողութիւն չունես էն լաւիտենական երանութեան վրայ, «Որ աչքը չէ տեսել, ականջը չէ լսել, և մարդուս մըտքովն անգամ չէ անց կացել», — դու ի՞նչպէս կարող ես հասկանալ իմ թագաւորութիւնը։

Էս պատճառով ես քեզ պարզն եմ ասում. — Իմ թագաւորութիւնը էս աշխարհից չէ։ Եթէ էս աշխարհից ըլնէր իմ թագաւորութիւնը, իմ միլիոնաւոր հպատակները կը թողնէին որ ես բռնուէի և քո առաջը բերուէի։ Ուրեմն, եթէ ես էս ըռպէիս քո առաջը կանգնած եմ իբրև կալանաւոր, էդ նրանից է, որ իմ թագաւորութիւնը էս աշխարհից չէ, աշխարհային թագաւորութիւն չէ, իմ թագաւորութիւնը սրտերի ու հոգիների թագաւորութիւն է, լաւիտենական թագաւորութիւնը։

Յիսուսի էդ խօռքը մի մեծ ու նշանաւոր պատասխան էր Պիգատոսի համար։ Թրանով մի կողմից ոչնչանում էր էն աշն ու երկիւղը, որ ունէր դատաւորը Մեղագրեալի մասին, իբր թէ նա որ և է կողմից կարող է վնասակար ըլնել կայսրին. միւս կողմից շարժւում է նրա հետաքրքրութիւնը իմանալու թէ՝ ինչ թագաւորութիւն պէտք է ըլնէր Յիսուսի ասած թագաւորութիւնը, որ էս աշխարհից չէ։ Էս պատճառով նա մի անգամ էլ հարցըրեց. «Եթէ էդպէս է, ուրեմն, դու մասնաւորապէս հրէաների թագաւոր էլ որ չըլնես, գոնէ ընդհանրապէս թագաւոր ես»։ Յիսուս պատասխանում է. «Դու ես ասում թէ թագաւոր եմ։ Բայց ես հէնց դրա համար եմ աշխարհ էկել, որ ճշմարտութիւնը պաշտպանեմ։ Ամէն մարդ, ով ճշմարտութիւն է սիրում, լսում է իմ ձայնին»։

Ո՞վ կարող է չզարմանալ Յիսուսի էս բացարձակ պատասխանի վրայ։ Նա թագաւոր է, որովհետեւ Ի՞նքն է ասում էդպէս։ Բայց մենք պէտք է լաւ հասկանանք թէ նա ինչպէս է հասել էդ թագաւորութեանը։ Թրա համար է՛ո հարցնենք մեզ թէ՝ ինչ է առհասարակ թագաւորութիւնը։

Թագաւորութիւնը անպատճառ երկրների տէր ըլնելը չէ։ Թագաւորութիւնը էն մեծ արժանաւորութիւնն է, որին մարդս կարող է հասնել ուրիշ հազարաւոր մարդկանց մէջ։ Թագաւորութիւնը մի կամքի՝ հազարաւոր կամքի վրայ իշխելն է։ Էդպէս թագաւորութիւն անելու համար ոչ գահ է հարկաւոր, ոչ գանձ, ոչ երկիր, ոչ զօրք։

Կան խելքի ու մտքի թագաւորներ, որոնց թագաւորութիւնը շարունակում է դեռ իրանց մահից յետով էլ։ Խելքի ու մտքի թագաւորները իրանց իշխանութիւնը տարածում են գերեզմանի խորքից. իրանք մեռած, փոշիացած են, բայց իրանց քարոզած մտքերը թագաւորում են աշխարհում, և միլիոնաւոր մարդիկ իրանց յօժար կամքով հպատակ են գրւում նրանց թագաւորութեանը։ Էդպիսի թագաւորների ոչ վառքն է յափշտակւում, ոչ իշխանութիւնը։ Խսկ Յիսուս թագաւորեց ոչ թէ մենակ մարդկանց խելքի ու մտքի վրայ, այլ և նրանց սրտերի վրայ։ Սրանից աւելի ինչ մեծ թագաւորութիւն կարող է ըլնել։ Ով որ Յիսուսի ձայնը լսում է, իր ամբողջ կեանքը նրան է հպատակցնում, նրան է հնագանդում և իր սրտի ծունրն է խոնարհեցնում նրա առաջը։

Յիսուս՝ «Դմաստութիւն, Բան և Որդին» նշանակուած էր գահի համար. և էդ գահը բարձրանալու համար՝ նա յաւիտենականութիւնից իջնելով գէպի ժամանակաւորը, ծնուեց ինչպէս մարդ և մարդկանց մէջ շրջեց։ Նրա գահը՝ երկնքումը Հօր աջ կողմն էր, երկրումը՝ Գողգոթայի գլխին տնկուած քառաթև խաչը։ Նա կատարեց ամենամեծ «ճշմարտաւթիւնը»—անձնուիրութիւնը, նուներելով Իր հօտին Իր անձը։

Ոիղատոսը տեսնելով որ Յիսուսի ասած թագաւորութիւնը ոչինչ կապ չունի Հռոմի թագաւորութեան հետ, արդէն նրան անմեղ է ճանաչում։ Խսկ քահանայապետներն ու ծերերը, վախենալով

ՀՅԼՆԻ թէ Կալանաւորը իրանց ձեռքից ընկնի, իրանց առաջն են ուզում առաջ տանել, ասելով.
«Գրգոռում խելքահան է անում ժողովուրդներին,
քարոզում է ամբողջ Հրէաստանում՝ Պալիլիալից
սկսած մինչև Էստեզ: Իրանց մեղադրանքի էդ վեր-
ջին մասը մի ամենաշար նենգութիւն էր, որ նը-
րանք գործ դրին Կալանաւորը ձեռքից չի ողնելու
համար:

Պալիլիան Պաղեստինէի չորս գլխաւոր մաս-
ներից մէկն էր և գտնւում էր Հերովդէս թագա-
ւորի իշխանութեան տակ: Եւ թէպէտ Յիսուս ու
իր առաքեալները գալիլիացիք էին, բայց գալիլ-
ացիք յայտնի էին առհասարակ իբրև ամենահան-
գիստ մարդիկ: Եւ երբ գատաւորը հարցըեց ու իմացաւ
որ Յիսուս գալիլիացի է, գլխից հեռացրեց, ու-
ղարկեց նրան Հերովդէսի մօտ: Էդպէս անելով՝ նա
երկու օգուտ ունէր աչքի առաջ. առաջինը՝ որ
կ'ազատուէր էդ անախորժ գործից, որի տակից շատ
բան սկսվէ գուրս գար և դիպած կ'ըլնէր հրէ-
աների իշխանների, քահանաների ու փարիսեցիների
քէֆին: Երկրորդ՝ մի հին հաշիւ կը վերջացնէր
Հերովդէսի հետ:

Ս.ՀԱ թէ ինչ էր էդ հաշիւք:

Յալտնի է, որ Յովհաննէս Մկրտիչը Պաղես-
տինէլի էն մասիցն էր, որ կոչւում էր Հրէաստան,
ու գտնւում էր Պիղատոսի իշխանութեան տակ:
Հերովդէսը իրաւունք չունէր նրան մահուան գա-
տապարտելու. բայց իր աղջկան տուած իր թա-
գաւորական խօսքը գետին չգցելու համար՝ կտրել

էր տուել Յովհաննէսի գլուխը, որ իր իշխա-
նութիւնից գուրս բան էր*): Էդ պատճառով
էդ ժամանակից մօտ երկու տարի Պիղատոսն ու
Հերովդէսը սառել էին իրարից, էլ բարեկամ չէին:
Եւ հէնց առանց դրան էլ ինչ բարեկամութիւն
կարող էր ըլնել մի հրէալ թագաւորի ու մի հը-
ռոմայեցի գատաւորի մէջ, որոնցից ամէն մէկը
մի և նոյն երկում հրամալող է կարգուած: Հերով-
դէսը թէպէտ Պիղատոսի իրաւունքի տակ է, բայց
թագաւոր է. Պիղատոսը թէպէտ գատաւոր, բայց
երկրի իշխան կայսրի աչքն է: Յիսուսին Հերովդէսի
մօտ ուղարկելու միւս օգուտն էլ էն էր, որ էդ
թագաւորի հետ կը նորոգէր իր բարեկամութիւնը:

*.) Դրա ոխը սրտումը պահելով՝ երբ մէկ ան-
գամ մի բանի գալիլիացիներ գնացին Երուսաղէմ և
տաճարումը զոհ էին մատուցանում, Պիղատոսը կո-
տորել տուեց նրանց հէնց տաճարի մէջ և նրանց ա-
րինը և առանեց իրանց զոհերի արեան հետ:

ՀԵՐՈՎԴԻՒՄ

Արհամարհեաց զնա և Հերօդէ,
հանդերձ իւրօք զօրականօքն և
այսն արարեալ՝ էարկ զնովաւ հան-
դերձն սպիտակն, և ետ տանել անդ-
րէն առ Պիղատոս.

Առետարան.

Էս Հերովդէոը՝ երեխաների դահիճ, մանկաս-
պան Հերովդէսի որդին էր: Նա մանկասպան, սա
մարդասպան: Նա անկարգ. սա անառակ: Հօր ա-
նունը տարածուել է հազարաւոր մանուկներ կո-
տորելովը. որդու անունը տարածուել է իր եղբօրն
ու մեծ մարգարէին սպանել տալովը: Թագաւոր ա-
նուանը անարժան էս մարդը սիրահարուել էր իր
եղբայր Փիլիպպոսի կին Հերովդիադալի վրայ, էս
պատճառով իր եղբօրը սպանել տուեց և խղճի ու
մովսիսական օրէնքի հակառակ՝ եղբօր կինը իրան
կին առաւ: Վերջին և մեծ մարգարէ Յովհաննէս
Մկրտիչը՝ նրա թագաւորական մեծութիւնը մի կող-
մը դրած՝ Աստուածաշունչը Ճեռքին բռնած՝ էլ
լափ չմնաց, որ երեսովը չտար, իր հարազատ կոչ
անունն ու պատիւը գետնի հետ հաւասարեցնելը
լիշեցնելով, հարազատ, թագաւոր եղբօր արեան

մէջ իր Ճեռքը թաթախելը միտքը բերել տալով՝
էլ խօսք չմնաց, որ չասէր, էլ թուք ու մուռ
չմնաց, որ չտար երեսովը: Հերովդէսը, որին ասում
էին էլի Հերովդէս Անթիպաս, մեծ մարգարէի յան-
դէմանութիւնները չլսելու համար՝ նրան բանտ-
նստեցրեց: Յետոյ էլ անզգոլշ կերպով մի լիմար
խօսք բերնից դուրս թողնելու պատճառով՝ դահիճ
ուղարկեց բանտը և կտրել տուեց էն սուրբ մար-
դու գլուխը, որ պատրաստում էր Տիրոջ ճանա-
պարհը:

Զատկի տօնն էր, Յիսուսի կեանքի վերջին
զատիկը: Եդ փուշ Հերովդէսը գտնուում էր Երու-
սաղէմում: Նրա մօտ էին էդ ժամանակ գալիլի-
ացինշանաւոր մարդիկ՝ անկարգ Հերովդիադան, նրա
աղջիկ՝ թագաւորական հրաւէրքում պար էկող Սա-
լոմէն և երուսաղէմացի ամենանշանաւոր մարդիկ:

Երբ Յիսուսին բերին Հերովդէսի մօտ, նա շատ
ուրախացաւ: Նրա ուրախութեան պատճառը մէկ
էն էր, որ Պիղատոսը դրանով պատուել էր իրան
ու բարձրացրել ժողովրդի աչքուժ. մէկ էլ էն՝ որ
նա վաղուց ցանկանում էր տեսնել Յիսուսին: Բայց
նա ցանկանում էր տեսնել ոչ թէ էնպէս, ինչպէս
փափագում էր տեսնել նրան կարճիկ Զաքէսոսը,
ինչպէս տեսնում էր բարեգործ և արդար Նիկոդի-
մոսը, — ալլ էնպէս, գատարկ հետաքրքրութիւնից:
Հերովդէսը շատ բան էր լսել Յիսուսի մասին, և
հիմա, իր ամէն ցած, անասնական ցանկութիւննե-
րով կշտացած՝ լոյս ունէր որ Յիսուսից մի հրաշք
տեսնելով, կարող էր մի քանի բոպէ զուարճանալ:

Անարդ արարած: Նա կարծում էր թէ Յիսուս մի ձեռնածու, մի փոկուսնիկ է, որ իր և իր պալատականների առաջը մի քանի աչքակապութիւն անելով՝ սրտանց ծիծաղելու պատճառ կը դառնար:

Տեսնելով Յիսուսին՝ Հերովդէսը առաջարկեց նրան էնպիսի դատարկ ու անվայել բաներ, որ միան անկարգ ու լիրք մարդկանց քէֆը կարող էր բերել: Եւ շատ լաւ է արել աւետարանիչը, որ էդ անվայել առաջարկներից ոչ մէկը չէ լիշել: Դրանով, իհարկէ, նա չէ կամեցել կեղտոտել Աւետարանի սուրբ երեսները:

Թագաւորն ու իր մեծամեծները աչքները չըռած, ականջները սրած՝ սպասում էին թէ ահա Յիսուս բաց կ'անի Իր բերանը՝ կը սկսի խօսել, կը մեկնի Իր ձեռքը՝ հրաշք կ'անի: Ինչու. որովհետեւ նրանք լսել էին որ նա էդ բաները անում էր հասարակ ձկնորս առաքեալների և մեղաւոր համարուած մաքսաւորների (մաքս հաւաքողների) մէջ: Բայց ողորմելիները չէին մտածում որ էդ բոլոր ձկնորսներն ու մեղաւորները ուրիշ կերպով էին նրան հարցեր առաջարկում: Իսկ Յիսուս, Որի գըլխովը էդ ըոպէին յաւիտենականութեան մտքեր էին անցնում, լուռ էր մնացել: Թագաւորի ունախն հարցերին նա ոչ մի խօսք չպատասխանեց: Նա, ի հարկէ, չէր կամենում «մարդարիտը ցրուել խոզերի առաջը և սրբութիւնը տալ շներին»:

Թէպէտ Հերովդէսը շատ նեղացաւ Յիսուսի տրամունքից, և մի քիչ իր սիրտը տեղը բերելու համար, մի քիչ էլ կատաղած ժողովրդի կամքը

կատարելու համար՝ կարող էր Նրան ոտքից գլուխ մեղաւոր դուրս բերել, բայց Յովհաննէս Մկըտչի պէս մեծ մարդարէ սպանել տալուց յետոյ՝ չէր ուզում մի ուրիշ նոր մարդարէի էլ մահուան պատճառ դառնալ: Բայց Էլի կամեցաւ մի քիչ զուարձացնել իր պալատի ծառալողներին: Նա դրանով ուզում էր իր վրէժն առնել էն մարդուց, որ էդ-պէս անուշադիր թողեց իր արքայական խօսքը և անհնազանդ գտնուեց իր առաջը: Հիմա նա կամենում էր գննէ ծիծաղել նրա վրալ:

Սովորութիւն կար Հոռմում որ էն մարդիկ, որոնց վրալ ժողովուրդը աչք ունէր բարձր պաշտօններ տալու տէրութեան մէջ, սպիտակ շոր էին հագնում: Հերովդէսն էլ, ուզենալով անպատուել Յիսուսին, Նրա հրեաների թագաւորական գահի վրալ բազմելը ծաղրելու մտքով, հագցրեց սպիտակ շոր: Նա սրանով ոչ թէ ծաղրեց Յիսուսի թագաւոր դառնալու լոյսն ու արժանաւորութիւնը, այլ և ուզեց հասկացնել որ հրեաների էս անկոչ, ողորմելի թագաւորը արժանի է ոչ թէ մահուան, այլ աւելի մեծ բանի՝ արհամարհանքի, մարդատեղ չգնելուն: Էդ շորով Հերովդէսը յետուղարկեց Մեղադրեալին դատաւորի, մօտ: Արանով, ինքն էլ իր կողմից Պիղատոսին պատուելով, համարեա թէ էս էր ուզում ասել. «Թէպէտ էս մարդը իմ իշխանութիւնիցն է. բայց որովհետեւ բըռնուած է երուսաղէմում, որ քո՞ իշխանութեան տակն է, էս պատճառով աւելի քեզ. է. արժանի»:

որ դատես գըան, քան թէ ինձ։ Իսկ Պիղատոսը,
ուզի՞ղ է, չազատուեց Յիսուսից, բայց գնչէ շահեց
թագաւորի սիրտը։ Էդ օրից Պիղատոսն ու Հերով-
դէսը կրկին լաւ բարեկամներ գարձան։ Աստծուն
ատելը՝ մարդկանց սիրուելու պատճռու դարձաւ։

ԴԱՏԱՊԱՐՏՈՒԹԻՒՆ

Ժողովեալ հրէիցն՝ կշռեցին արծաթ-
բազում։ առեալ տարան առ Պի-
ղատոս, առեն՝ Ի խաչ հան, ի խաչ
հան։ զի հայհոյից է օրինաց։
Յարական։

Պիղատոսը ինչքան ուրախ էր որ մի նպատա-
կին հասաւ, էնքան տխուր էր որ միւս նպատակին
չհասաւ։ Հերովդէսի հետ հաշտուեց. բայց իր խըդ-
ճի հետ չկարողացաւ հաշտուել։ Ի՞նչքան աշխա-
տեց նա ազատել իրան էդ անախորժ գործից՝ Յի-
սուսի մահուան վճիռը հաստատելուց. — չկարողա-
ցաւ։ Նա ուզէր չուզէր՝ պէտք է նորից ձեռք առ-
նէր էդ գժուար գործը, որ իր բոլոր ծանրութեամբ
պառկած էր իր սրտի վրայ։ Իրան մնար՝ նա սի-
րով կ'ազատէր Մեղադրեալին. բայց էնքան քա-
ջութիւն չունէր որ մինչև վերջը պաշտպանէր նը-
րան։ Երկու պատճառով նա գժուարանում էր գոր-
ծը իր ուզածի պէս գլուխ հանել։ Մէկ որ՝ բնա-
ւորութիւնով մի թոյլ ու անվտահ մարդ էր, և
շատ էլ բանի ետեից ընկնելու գլուխ չունէր։ Մէկ
էլ մտածում էր որ՝ եթէ զօռ (բռնութիւն) բա-
նեցնի, ժողովուրդը մի խօսքի կը կանգնի, կ'ապօ-
տամբուի և ինքը անճարացած՝ իր զօրքով կը սկսի

մեծ կոտորած անել և կը պատժուի կայսրից, որ նրան կարող է առել թէ. «Ինչու մի հրէալի համար թողիր որ էգքան խռովութիւն ու դալմաղար ընկնի. չէ որ դու աւելի պէտք է համաձայնէիր մի հրէալ խաչել ժողովրդի խնդրքի համաձայն, քան թէ էսքան մեծ վնասի ու կոտորածի պատճառ դառնալ»:

Բայց էդ խճճուած դըութեան մասին մտածելիս՝ յանկարծ մի նոր միտք ծագեց նրա զլիումը: Յայտնի է որ երբ թագաւորներին մի ընտանեկան ուրախութիւն է պատահում ամուսնութիւն, որդեծնութիւն, կամ մի վտանգից, փորձանքից ազատութիւն, — նրանք միտքները բերելով տարիներով բերդերումը մաշուող բռնուածներին՝ ազատութիւն են տալիս նրանց: Մի էդպիսի սովորութիւն էլ Պիղատոսի ժամանակներից մօտ 1500 տարի առաջ մտել էր հրէաների մէջ: Զատկի տօնին, երբ իսրայէլացիները կատարում էին իրանց՝ Եգիպտոսի մէջ ինչպէս ճորտ ծառալելուց ազատուելու ուրախութիւնը, դատաւորին խնդրելով ազատութիւն էին տալիս մի որ և է բռնուածի: Պիղատոսը կամենում էր օգուտ քաղել էս սովորութիւնից:

Նրա մօտ էդ ժամանակը բռնուած էր Բարբեա անունով մի չարագործ, մի աւազակ մարդ, որ էդ օրերում մարդասպանութիւն էլ էր արել երուսաղէմում: Դատաւորը յոյս ունէր որ եթէ ժողովրդին հարցնի թէ՝ էդ երկու կալանաւորներից նրին էք ուզում որ ազատեմ, — ժողովուրդը կը խնդրի որ Յիսուսին ազատէ, որ ինչ է էն յայտնի

աւազակը չազատուի: Բայց չէր մտածում որ դրանով իր ճանաչած անմեղ մեղագրեալ Յիսուսին էլ չարագործների ու մեղաւորների դասն է դասում: Մի խօսքով՝ մարդը մնացել էր երկու ջրի արանքը: — Էդպէս մտածելով՝ նա ասեց նրանց. «Էս մարդուն բերիք իմ ձեռքը գցեցիք, ասելով իբր թէ մոլորեցնում է ժողովուրդներին: Բայց ահա ես որան դատեցի, քննեցի ձեր աչքի առաջը, և ոչինչ քանում մեղաւոր չգտայ: Ուղարկեցի սրան Հերովդէսի մօտ, նա էլ ոչինչ մեղաւորութիւն չգտաւ արանում: Է՛հ, որ էդպէս է, ես էլ կը խրատեմ ու կ'արձակեմ»: «Կը խրատեմ» ասելով՝ Պիղատոսը ուզում էր ասել «Ճեծել կը տամ», կարծելով թէ էսպէսով մի քիչ էլ ժողովրդի սրտովը վարուած կ'ըլնի: Էս անսպասելի առաջարկութիւնը շատ զարմանալի թուեցաւ ժողովրդին: Բայց Պիղատոսն էլ մի ուրիշ կողմից է շփոթւում: Նրա կինը, որի անունը, ինչպէս ասում են, Կլավդիա Պոռկուլա էր, գիշերով մի սարսափելի երազ տեսաւ, որից նա էնքանը լաւ իմացաւ որ եթէ իր ամուսինը դատապարտի Արդարին, գրանով Աստծու պատիժը կը քերի իր գլխին: Երբ նա առաւօտը լսեց, որ իր ամուսինը արդէն սկսել է Յիսուսի դատաստանը, իսկոյն մարդ ուղարկեց մօտը, ապստարելով, «Չ'ըլեմ, չիմանամ» որ դու մի քան անես էդ Արդարին. ուրովհետև գիշերս շատ անցք անց կացաւ դրա մասին երազումս»:

Թէպէտ մեր ժամանակում միայն տգէտներն են հաւատում երազներին, իսկ խելքը գլխին մար-

գը նրանց ոչինչ նշանակութիւն չէ տալիս. բայց էլի գտնւում են մեզանում ոչ թէ մենակ անուսում, տգէտ, այլ և շատ ուսում-առած մարդիկ, որոնց վրայ երազը խոր տպաւորութիւն է անում։ Ուր մնացին էն ժամանակուայ հեթանոսները, որոնք, մանաւանդ կանանց երազներին մեծ նշանակութիւն էին տալիս։ Եդ պատճառով շփոթուածու շուարած Պիղատոսը կրկին մտաւ դատարանը, և մտածում էր թէ՝ հապա ինչպէս անի, որ լաւ ըլնի։

Նրա հեռացած ժամանակը քահանայալետներն ու ծերերը տաքացրին ժողովրդին որ Բարաբեալի ազատութիւնը պահանջեն, Յիսուսի մահը։ Նուտով դատաւորը սենեակից դուրս գալով՝ հարցըրեց. «Եդ երկուսից ո՞րին էք ուզում որ արձակեմ։ — Բարաբեալին, կանչեց միաձայն միամիտ ժողովուրդը։

Էս պատասխանը էնպէս անսպասելի էր Պիղատոսի համար, որ նա, իբր թէ լաւ չհասկացաւ, կրկին հարցնում է։

— Հապա Յիսուսին ինչ անեմ, որին էլի ասում են Քրիստոս։

«Քրիստոս» բառը, որ հրէարէն «Մեսիալ», այսինքն՝ «օծեալ» է նշանակում, դատաւորը նպատակով է աւելացնում։ Նա դրանով ուզում էր արիւնն աչքներն առած ժողովրդի միտքը բերել, որ Յիսուս նրանց սպասած մեսիան է, կամ նրա նման մի բան, որ ինչ է՝ խղճան, գութըները շարժուի անմեղ Մեղադրեալի վրայ Խեղճը արդէն էնքան

շփոթուած է, որ իր արածը չէ հասկանում, թէ չէ իր դատաւորական իշխանութիւնը ժողովրդին ինչու կը տար։ Ուզիղ է, նա խորամանկութեամբ դրեց իր հարցը, բայց էս անգամ սխալուեց իր հաշուի մէջ։ Թէ նա էդպէս արեց, ժողովուրդն էլ յետ չմնաց նրանից։ Նա էլ աւելի պարզ դրեց իր պահանջը, գոռալով, «Խաչէր դրան»։



«Խաչէր դրան»։ Եւ ով է պահանջում էս պատիժը։ — Էն ժողովուրդը, որ Յիսուսի վերջին անգամ Երուսաղէմ մտնելու օրը, բառ չեր գտնում նրան պատուելու համար, և իր վերարկուն հանում նրա ճանապարհին փիանդազ էր անում, իր սիրտը՝ միջի բոլոր ազնիւ զգացմունքներով նրա

ոտքի տակն էր խոնարհեցնում: «Խաչի՞ր դրան», գոռում է կուրացած ժողովուրդը, և ուրիշ ոչինչ չեղաւ լսել. և նրա գոռալը էն է՝ յաղթելու վրայ էր:

Իսկ դատաւորը՝ նրանց քարացած սրտերը կակացնելու համար՝ ուզում է մտքումը դրածը առաջ տանել: Իսկոյն վաթսուն հատ կուտապաշտ զինուոր տանում են Յիսուսին մի սիւնից կապում, և չորս կարգ բաժանուած՝ խարազանները ձեռքներն առած՝ ո՞վ ինչ ուժ ունէր՝ նրա վրայ էր ըանեցնում: Նրանք ծեծում էին նրան հերթով. երբ առաջին 15 հոգին ուժից ընկնում էին, յետոյ միւս 15 հոգին էր խփում, ու էդպէս շարունակեցին ամբողջ հինգ ժամ: Զինուորներից մէկը խարազանով էր խփում, միւսը կարիճով, այսինքն՝ էնպիսի խարազանով, որի ծալրին կարիճի ձեռվ մի երկաթ էր ամբացրած—մարմինը աւելի խոցոտելու համար. որն էլ ձաղկիչ ասուած դալար (կանաչ) ճիպոտով. յիւսներն էլ մի-մի դրանց նման գործիքներով:

«Բայց, կարող ես հարցնել ի՞նչպէս չմեռաւ Յիսուս էդքան տանջանքների մէջ»: Էն պատճառով չմեռաւ որ Ի՞նքն էր իր իշխանութիւնով երկարացնում իր կեանքը որ չմեռնի: Եթէ իր աստուածալին կամքովը չըլնէր՝ էդ բոլոր տանջանքների տասը մասից մի մասն էլ բաւական էր որ նա հոգին աւանդէր: — Ծեծով չբաւականացած՝ յետոյ սկսում են ծաղրել նրան: Նրա թագաւորութիւնը անպատուելու համար՝ դալար փշերը ոլորելով մի պսակ շինեցին ու դրին գլխին. և որ գլխիցը վէր

չընկնի, փալտով խփեցին, էնպէս որ պսակի սրածալը փշերը ո՞չ թէ մենակ կաշուի ու մսի մէջ խըրուեցին, գեռ գլխի սակրներին էլ հասան: Մի կարմիր վերարկու առան գցեցին ուսերին, մի ջարդուած գաւազան տուին ձեռքը, յետոյ երեսը ծածկեցին. ապտակում (սիլլալ խփում), թքում էին երեսին, և իբրև էդ ողորմելի թագաւորի հպատակներ՝ ծունը դնելով առաջը՝ ծաղրելով ասում էին. «Ապլես, կեցցես, հրէաների թագաւոր»:

Եւ ումն են տալիս էդքան ծեծն ու անպատճութիւնը: — Փշի պսակ են դնում նրա գլխին, որ գնում է մեր մեղքերի փուշը վերացնելու, և որ միւս անգամ գալու ժամանակը լուսեղէն, անթառամելի պսակներ պէտք է դնի նրանց գլխներին, ովքեր իր անունը փառաւորել են էս աշխարհում: Ծեծով են նրա գլուխը, որ է «Լոյս փառաց և նկարագիր էութեան Հօր», որ մեր ամենիս ստեղծող Հայր Աստծու պատկերն է: Ծածկում են նրա երեսը, որ մարդկանց սրտերի խորհուրդները տեսնող սրտագէտ Աստուածն է: Նրան են ապտակում ափով, որ իր ափովն է չափում ծովերի ու ովկիանոսների ջրերը: Թքում են նրա երեսին, որի թուքը լոյս էր տալիս կոլրի աչքերին: Ծունը դնելով նրան են ծաղրում, որին ծունը են խոնարհեցընում երկնքի հրեշտակները, երկրի մարդիկ և անդունդների չար ոգիները:

Դատաւորը էսքանը բաւական համարելով՝ ծեծուած, ջարդուած, արնաշալախ Յիսուսին դուրս է բերում ու կանգնեցնում ժողովրդի առաջը: Ի՞նչ

տեսարան։ Ե՞ն Յիսուսի երեսին, որ Նազարէթի բոլոր տղամարդկանց մէջ մի ժամանակ ամենազեղեցիկն էր, — հիմա էլ մարդու կերպարանք չէր մնացել։ Նրա էս ողորմելի ու ամենացաւալի տեսքը քարերին էլ կը լացեցնէր, ինչ թէ մարդկանց։ Եւ Դրա վրայ գնելով իր յուսը՝ Պիղատոսը ասում է ժողովրդին. «Ահա ձեր թագաւորը։ Ես կատարեցի ձեր սրտի ուղածը. ուզում էիք սրան խայտառակուած տեսնել՝ ես արդէն էնքան ծեծել տուի, որ դժուար թէ ճանաչէք սրան։ Ուրեմն, էլ միք կրկնի ձեր անիրաւ ու անողորմ պահանջը. դուք էլ հանգըստացէք, ինձ էլ հանգիստ թողէք»։

Իսկ իսկդը մեռցրած ժողովուրդը իր մտքումը դրածը առաջ տանելու համար՝ նոր պատճառանք, նոր մահանէք է առաջ բերում։ «Մենք օրէնք ունենք, ասում է, և մեր օրէնքով էդ մարդը պէտք է խաչուի, որովհետեւ իրան Աստծու որդի է անուանում, — որ մի և նոյն է թէ հայհոյում է մեր Աստծուն»։

Էս վերջին խօսքերից դատաւորը նոր է հասկանում, որ ժողովրդի հակառակութիւնը ոչ թէ նրա մասին է, որ Յիսուս իրը թէ իրան մի սովորական, աշխարհային թագաւոր է համարում, այլ որ իրան Աստծու որդի, հրէաների Փրկիչ է անուանում։ Փառի (կեղեանքի) պէս մի բան վէր է ընկնում նրա մտքի աչքից. և կռապաշտ դատաւորը մտածում է. ուղիղ, էդ Մեղադրեալը իս աստուածների որդի չէ. նրան էնքան ծեծ տալը, նրան մահուան դատապարտելը՝ մի չտեսնուած պատուհաս

ու անբաղտութիւն չի բերի իր գլխին, ու դրանով չի կատարուի իր կնոջ երազը։ Եւ էսպէս, նա աւելի մեծ ահ ու գողի մէջ ընկնելով ներս է տանում Յիսուսին իր սենեակը և հարցնում. «Դու ո՞րտեղից ես. մարդկանցից ես, թէ աստուածներից»։ Պատասխան չկայ։

Դատաւորը էս անսպասելի լուսութիւնից իրան ու իր պաշտօնի բարձրութիւնը անպատուած է համարում։ «Ինձ հետ էլ չես խօսում, ասում է նա էս զարմանալի ու չտեսնուած Մեղադրեալին. չգիտեմ որ քեզ խաչելն ու արձակելը ինձնից է կախուած։ ԶԵ որ քո կեանքի ու մահուան իշխանութիւնը իմ ձեռքումն է»։

Էն ժամանակ Յիսուս հեղութեամբ պատասխան է տալիս նրան. «Դու ինձ վրալ ոչինչ իշխանութիւն չէիր կարող ունենալ, եթէ էդ իշխանութիւնը վերևէից չըլնէր տուած քեզ։ Ես պատճառով ով որ Ինձ քո ձեռքը գցեց, նա մեծ մեղք արեց։ Բայց էս էլ կ'ասեմ քեզ որ՝ թէպէտ հրէաների դատաւորները, նրանց քահանալապետները պակաս մեղաւոր չեն, — բայց որ դու էլ նրանց անիրաւ մեղադրանքի առաջը յաղթուեցիր, չպաշտպանեցիր ճշմարտութիւնը, ինչպէս վայել էր մի անաշառ ու արդար դատաւորի, դու էլ էդ պատճառով անմեղ չես։ Թէպէտ դու, ուղիղն ասած, ոչինչ վատութիւն չես արել ինձ, այլ կամենում էս ազատել բայց որովհետեւ չարիր ինձ էն ամէն լաւութիւնը, ինչ որ կարող էիր անել, եթէ միայն

փափուկ պաշտօնիդ վրայ չդողալիր,—էդ պատճառով դու էլ մեղաւոր ես»:

Է՞ս էր Յիսուսի վերջին խօսքը, որ նա ասեց հոգմալեցի դատաւորին:

Տանջուած ու խայտառակուած Մարդու բերանից դուրս եկած էս մեղմ ու հանդարտ խօսքերը խորը կերպով տպուեցին Պիղատոսի սրտումը: Նա զգում է որ սովորական կալանաւորը չէր կարող իրան էդ խօսքերն ասել: Նա քիչ քիչ հասկանում է թէ ո'լտեղից պէտք է ըլնէր էդ Յիսուսը: Էդ պատճառով հիմա աւելի՛ է աշխատում որ նրան մի՛ կերպով ազատի: Նրա էդպէս մտածելու հետ կատաղած ժողովուրդն էլ վերջին հնարքն է բանեցնում: «Էդ մարդը, ասում է, իրան թագաւոր է անուանում. բայց ո'վ որ իրան թագաւոր է անուանում, նա կայսրին հակառակ է, թշնամի՛ է. և եթէ դու դրան կ'արձակես, ուրեմն, կայսրին հաւատարիմ չես»:

Էս խօսքերը սուր նշտարի պէս վիրաւորում են դատաւորի ցաւած տեղը: Նա գիտէր՝ ի՞նչքան կասկածոտ ու անգութ էր Տիբերիոս կայսրը: Նա իրան որ լաւ քննում էր, իր խղճի առաջը շատ բանում մեղաւոր էր գտնում իրան: Նա մտածում էր՝ չըլնի թէ վերջապէս հրէաները գանգատեն կայսրին ու մէկ մէկ յալտնեն նրան իր արած բոլոր անիրաւութիւնները: Էս պատճառով նա կայսրի անողորմ բարկութիւնները աւելի՛ էր վախենում, քան թէ անլայտ աստուածների անծանօթ պատիժներից:

Պատաւորի սենեակի առաջը մարմար ու գոյնզգոյն քարերով մի բարձր քարայատակ բեմ էր շինուած: Ուղիղ առաւտեան վեց ժամին Պիղատոսը նստեց էդ բեմի վրայ, բաց երկնքի տակ, որ հանդիսաւոր կերպով, ամենքի աչքի առաջը տար վերջնական վճիռը, ու վերջացնէր էդ անախորժ գործը: Սիրտը բարկութեան թոյնով լցուած է՛ն հրէաների դէմ, որոնք կայսրի ահաւոր անունը տալով բանը էնտեղը հասցրին, որ նա ուզէր չուզէր պէտք է էդ վճիռը տար,—դատաւորը ուզում էր իր բարկութիւնը թափել նրանց վրայ: Էս պատճառով նա, ինչպէս կռապաշտ, ուզում էր ծալրել նրանց, որ զուր լոյս էին դրել թէ մի օր մի Մեսիալ, մի Փրկիչ պէտք է աշխարհ գայ ու իրանց ազատի օտարի ծառայութիւնից և նորոգի իրանց թագաւորութիւնը, և ասեց, «Ահա առէք ձեր թագաւորը: Դուք էսպիսի թագաւորի էք արժանի ուրիշ լաւ թագաւորի, Փրկիչ թագաւորի լոյս չունենաք»: Իսկ ժողովուրդը՝ արիւնն աչքը կոխած, գուռում էր. «Կորցրո՛ւ, կորցրո՛ւ խաչի՛ր դրան»:

Հիմա Պիղատոսը արդէն է՛լ ոչինչ անելիք չունի: Նա՝ ի՞նչ կարողացաւ անել, որ համ Յիսուս չխաչուի, համ էլ ինքը չպատժուի կայսրից,—արեց: Հիմա նա աշխատում էր ծալը ու ծանակով անպատճել հրէաներին ու էսպիս յանձնել Յիսուսին նրանց ձեռքը: Նա հրամայեց իր ատենադըպըին որ անմեղ Գառան դատապարտութեան մասին էսպիս արձանագրի. «Յիսուս նազովեցի, ազգի կործանիչ, կայսրին բանի տեղ չդնող և սուտ-

մեսիայ, ինչպէս հաստատուեց իր ազգի մեծամեծ-ների վկայութիւնով, թող տարուի հասարակաց պատժի տեղը և, իր թագաւորական մեծութիւնը ծաղրի գրուելով՝ խաչուի երկու աւազակների մէջ: Էս պատճառով թող դահիճը պատրաստի՛ խա-ըլ ^{*)}):

Երբ դատաւորը տեսաւ որ քանի գնում է, շփոթն ու զալմազալը ստատկանում է ժողովրդի մէջ՝ Յիսուսին տալիս է Իր թշնամիների ձեռքը որ խաչեն: Հրէաները մէկ էսպիսի սովորութիւն ունեին: Եթէ մէկը սպանուելու էր իր երկրից, իր գաւառից դուրս, էն ժամանակ էն դատաւորը, որի սահմանում նա սպանուելու էր, պէտք է ամենքի առաջը վկայութիւն տար իր անմեղութեան մասին: Դրա համար նա լուանում էր իր ձեռքերը ասելով. «Մեր ձեռքերը չեն թափել էս արիւնը»: Սրա համար Պիղատոսն էլ, որի սահմանում պէտք է խաչուէր գալիլեացի Յիսուսը, հրամայեց որ ջուր բերեն. բերին ջուրը, լուաց իր ձեռքերը բազմութեան առաջը, ասելով. «Անպարտ եմ ես էդ Արդարի արիւնին. դուք գիտէք»: Ս. Օգոստինուը սրա մասին էսպիս է ասում. «Ձեռքերը լուանում է, բայց արարմունքը չէ լուանում». որովհետեւ Քրիստոսին նա է սպանում, ով Նրա մահուան վճիռն է տալիս:

Իսկ անմիտ, կատաղած ժողովուրդը կանչում

է. «Դրա արիւնը թող մեր ու մեր որդքերանց գըլ-խին գալ»: Էս նզովքի խօսքերի վրալ, —որ իրանք հրէաները խնդրեցին Աստծուց, և որի տակը գըտ-նըւում են և պէտք է գտնուեն նրանք մինչև չը դառնան ու չպաշտեն էն Յիսուսին, որին խաչեցին իրանք, —Պիղատոսը արձակում է մարդասպանն Բարաբբային, իսկ Յիսուսին տալիս է իր զինուոր-ներին որ տանեն խաչեն, ինչպիս ցանկանում էր կոյը ամբոխը:

^{*)} Էս դատավճիռը հանուած է հոռմայեցոց թա-դաւորութեան ամենահին գրքերի միջից:

Խ Ա Զ Ե Ւ Մ Ա Հ

Ո՞վ սրանչելի և տեսիլ աշաւոր,
զարարիչն երկնի և երկրի այսօր
տեսաք ի խաչին:

Շարական.

Յիսուսի դատաստանը վերջացաւ. Նա դատապարտուեց խաչուելու. Փառք և խաչ.—մէկը միւսի ծնողն է: Փառքը խաչ է պատրաստում մարդուս համար, խաչը՝ փառք: Երուսաղէմ մտնելու օրը, երբ Յիսուսի փառքը փոռուեց ողջ քաղաքովը, — նախանձու քահանաներն ու նենգաւոր փարիսեցիները նրա խաչի պատրաստութիւնն էին տեսնում: Իսկ հիմա, երբ անպարտը, անմեղը, արդարը գնում է խաչուելու, — իր փառքն է պատրաստում. չէ՞ որ խաչը Յիսուսի երկրաւոր գահն էր:

Զինուորները հանեցին Յիսուսի կարմիր վերաբկուն և հագցրին իր շորը. իսկ փշի պսակը թողին գլխին: Էսպէս նրան տարան խաչելու: Հըռոմայեցոց սովորութիւնով խաչուողը ի՞նքը պէտք է տանէր իր խաչափալու: Յիսուս, որ գիշերուանից անտանելի տանջանքներով նահատակուել, բոլորովին ուժից ընկել էր, առաւ ծանը խաչը իր խոցոտուած ուսի վրալ: Բայց մի քանի ոտք փոխելուց յետոյ վէր ընկաւ նրա ծանրութեան

տակը: Ո՞վ պէտք է օգնէր, տանէր: Խաչը մինչեւ էդ ժամանակը անարգանքի, անպատճութեան գործիք էր: Թէ հրէայի ու թէ հեթանոսի համար նրան ձեռք տալը պղծուել էր համարւում: Է՛դ պատճառով ճանապարհին ընկած խաչին ոչ ժողովուրդն է մօտենում, ոչ զինուորները: Էդ միջոցին հանդերի կողմից մի մարդ էր գալիս՝ Սիմոն անունով: Զինուորները կանգնեցնում են նրան և հրամայում են որ տանի խաչը: Նա սիրով բարձրացնում է իր ուսին Յիսուսի խաչը: Երջանիկ մարդ. ինչ կը մտածէր որ էդպիսով ինքը դառնում է Յիսուսի նոր թագաւորութեան դրօշակ (բայրաղ) տանողը: Նա տանում է դրօշակը մեծ զօրապետ Յիսուսի առաջից, որ գնում է դէպի վճռական պատերազմը, — պատերազմ մահուան ու մեղքի դէմ, պատերազմ խաւարի իշխանութեան գէմ:

Երուսաղէմի մօտ կայ մի բլուր, որ կլոր ու մարդու գանկի ձեւ ունենալու պատճառով կոչում է «Գագաթի» կամ «Ճակատի» տեղ կամ «Տեղի կառափելոյ», այսինքն գլուխ կտրելու տեղ, հրէարէն՝ «Գողգոթա», լատիներէն՝ «Calvarie locus, — որովհետև Յիսուսի ժամանակները էդտեղ էին կտրում մահապարտների գլուխը: Էդպիս կոչուելու միւս պատճառն էլ էն է որ՝ հրէաների մէջ բերանէ բերան պատմւում էր թէ ջրհեղեղից լետոյ նոյ նահապետի որդի սեմը և նրա որդի Արփաքսադը էնտեղ են թաղել Ադամի սսկըների մի մասը և գըլուխը: Էս հիման վրալ ասողներ կան, որ Քրիս-

տոս խաչուեց Աղամի գերեզմանի վրայ։ Եւ էս պատճառով երբեմն պղնձի կամ արծաթի խաչի վրայ, խաչելութեան պատկերի տակը դրուած կամ փորուած կամ նկարուած է ըլնում մարդու գանկ, որ Աղամի գլուխն է ներկայացնում։

Յիսուս բարձրանում է էդ բլուրը, որտեղ և տնկում են Նրա ու երկու աւազակների խաչերը։ Էն ճանապարհը, որի վրայով մեր Տէրը գնաց Գողգոթա, գեռ էսօր էլ կոչւում է վշտերի կամ խաչի ճանապարհ։ Դա 1321 քալլ կամ մի՛ քառորդ ժամուալ ճանապարհ է. սկսում է Պիղատոսի բնակարանից և Երուսաղէմի արևելեան կողմից դէպի արևմուտք գնալով՝ տանում է Գողգոթա։

Խաչի պատիժը հռոմայեցոց մէջ սահմանուած էր ծառաների, աւազակների ու խռովարար մարդկանց համար։ Հռոմի քաղաքացիները ամենւին չէին խաչւում։ Էդ պատիժը, որ սահմանուել էր քրէական յանցանքների համար, մտել էր նոյնպէս և գաւառները, նրանց հետ էլ Պաղեստինէ *): Խաչի մահը ամենատանջողական պատիժներից մէկն էր համարւում։ Խաչուածի ձեռքերի ուռուցքները պատուում տրաք-տրաքում էին, արիւնը խփում էր դէպի գլուխը, պակասն էլ լրացնում էին օրուայ շոգն ու օդը։ Սոսկալի չարչարանքների մէջ մահը

*) Քրիստոսից 300 տարի յետոյ հռոմայեցոց հայսր Մեծն Կոստանդիանոսը Յիսուսի պատուի համար բոլորովին արգելեց խաչի պատիժը։

վրայ էր հասնում կամաց-կամաց։ Խաչուածները սովորաբար 12 ժամից աւելի էին կենդանի մնում. երբեմն ապրում էին մինչև միւս օրը, շատ անգամ էլ մինչև երրորդ օրը։ Խակ խաչուածների անշունչ մարմինները մնում էին խաչի վրայ մինչև լուծուելը, անդամը անդամից բաժանուելը, քայլայուելը։ Խաչի գլխին գրում էին խաչուածի յանցանքը։ Պիղատոսը հրէաներից վերջին վըէժն առնելու համար հրամայեց գրել խաչի ճակատին հրէարէն, բերձեներէն ու լատիներէն «Յիսուս Նազովեցի՝ Թագաւոր Հրէից»։

Եգալէս ահա, մեր մեղքերը բառնալու համար Աստծու Որդին կախուեց նզովքի փայտի վրայ, երկընքի ու երկը մէջ, մերկ ու փշի պսակը գլխին։ Նա խաչի վրայ էլ ծաղրուեց. և ծաղրուեց ոչ թէ մենակ խելառ ժողովրդից, այլ և խաչուած աւազակից։ Բայց ինչ է պատասխանում խաչուած Արարիչը. «Հայր, ներիր սրանց, որովհետև չեն իմանում ինչ են անում»։ Զէ ասում. կրակ ու կալծակ թափիր սրանց գլխին, 12 բիւր հրեշտակ ուղարկիր ինձ, որ սրանց վայնասունը երկինք հասցնեմ։ Զէ ասում գետինը փուլ ածալ սրանց ոտքների տակը, որ անդունդը սրանց կուլ տալ, ու սրանց լիշտակը վերանայ երկրի երեսից։ Ներիր սրանց, ասում է, սրանք կարծում են թէ մի խաթեթայ են խաչել. բայց չգիտեն որ իրանց ստեղծող Աստծուն են խաչել։

Ուրբաթ առաւօտ, 6 ժամին Յիսուս դատա-

պարտուեց խաչուելու. Նրա ու աւագակների խաչերը պատրաստելում Յ ժամ անցաւ: Յ ժամին մեծ նահատակի ձեռքերն ու ոտքերը մեխուեցին խաչի վրայ: Երկար ժամանակ Գողգոթայի վրայ լուսեց ամէն բան, կտրուեց ամէն ձէն-ձուն: Խաչուածի տանջանքները հետզհետէ սաստկանում էին: Եւ քանի որ մարդը իր կատաղութեան ծայրը հասած քարացրել էր իր սիրտը, գետինը սարսուռ զգալով վկալեց թէ ինչքան սոսկալի էին չարչարանքները: Երկիրը շարժուեց: Մօտ 12 ժամին, օրը ցերեկով պայծառ արևը խաւարեց *): Եղպիսի խաւարում ոչ էլել է, ոչ էլ կ'ընի, որովհետեւ ոչ թէ միայն մի աշխարհ խաւարեց, այլ բոլոր աշխարհը, «ի վերայ ամենայն երկրի», ինչպէս ասում է աւետարանիչը. և ոչ թէ երկու-երեք ըոսէ քաշեց, այլ ամբողջ երեք ժամ աշխարհը կէս գիշերուայ մժութեան մէջ թաղուեց: Արևը ծածկեց իր երեսը, որ չտեսնի իր Արարիչը խաչի վրայ:

Աստծու Որդին կախուած էր խաչի վրայ: Նրա ուսերի վրայ ծանրացած էր մարդկալին ազգի մեղքերի բեռը: Նրա գլխի վրայ, — փոխանակ մեր գլխի վրայ — թափուամ էր Աստծու բարկութեան ու դատաստանի լիք բաժակը: Նա խմեց, մինչև տակը

*) Արևի սովորական խաւարումներից չէր էդ, որովհետեւ արևը խաւարում է միայն նոր յուսնի ժամանակը. իսկ էն օրը 14 օրուայ էր լուսինը: Խաւարումը նրանից պատահեց էս անգամ, որ արևը իրան քաշեց իր բոլոր լոյսը:

դատարկեց էդ բաժակը: Ուզիղ Յ ժամին Յիսուս բարձր ձախով ասեց Իր երկրաւոր կեանքի վերջին խօսքը. «Հայր, քո ձեռքն եմ աւանդում Իմ հոգին»: Ասեց, գլուխը խոնարհեցրեց ու հոգին աւանդեց:

Մարդկալին ազգի վրկութեան մեծ գործը կատարուած էր: Կնոջ Զաւակը ջարդել էր օձի գլուխը: Աստծու խաղաղութիւնը իջաւ հաշտեցրած աշխարհի վրայ: Երուսաղէմի տաճարի Յ կանգուն երկայնութիւն ու 4 մատ հաստութիւն ունեցող վարագուրը վերից վար երկու կէս էլաւ: Նշան էր թէ հինը վերջացաւ, սկսուեց նորը. թէ մշտնջենական Քահանայապետը մտաւ սրբութիւն սրբոցը. թէ կործանուեց էն պատը, որ մեղքը կանգնեցրել էր Աստծու և մարդկանց մէջ. թէ դէպի Աստծուած տանող ճանապարհը բացուեց: Մեծ-մեծ վէմ քարեր տրաք-տրաքուեցան, գերեզմաններ բացուեցան, շատ արդար ննջեցեալներ յարութիւն առան, մտան սուրբ քաղաք Երուսաղէմը և երեսեցան շատերին *):

Իսկ ժողովուրդը, որ խաչի մօտ կանգնած՝ տեսաւ էս բոլոր հրաշքները, սոսկաց, գող անց կացաւ իր մարմնի միջովը, իմացաւ իր սիսալը և գլխին վայ տալով ու կրծքին խփելով վերագառնում էր Երուսաղէմ:

*) Արդարների յարութիւն առնելը Քրիստոսի յարութիւնից յետոյ պատահեց. չէ՞ որ Իրանից առաջ ոչ ոք չէր կարող յարութիւն առնել, ինչպէս առաքեալն էլ առում է. «Քրիստոս է անդրանիկ ի մեռելոց»:

ԹԱ Ա Պ Ո Ւ Մ Ը

ԿԵՆԴԱՆԱՏՈՒՆ ամենեցուն այսօր
դնի ի նոր գերեզմանի, և գանձն
անմահութեան կոքի մատանեաւ
քահանայիցն:

Յարական.

Քրիստոսին խաչելու միւս օրը շաբաթը էր, էն
էլ շաբաթների շաբաթը, որովհետեւ իրանց զա-
տիկն էր: Խաչուածների մեռած մարմինները եթէ
մնալին խաչերի վրայ ու հոտէին, կը պղծուէր ի-
րանց շաբաթը: Եդ պատճառով ուրբաթ երեկոյին
երկու բարեպաշտ, իշխան մարդիկ, Յովսէփ ու Նի-
կոդիմոս անունով, որոնք սանէտրինի մէջ շատ աշ-
խատեցին որ Յիսուս չըռնուի ու չչարչարուի, բայց
չկարողացան, — գնացին դատաւորից իրաւունք ստա-
ցան ու ցած բերին խաչից Յիսուսի մարմինը: Դրանք
առաջ, ինչպէս հրէաների օրէնքն էր, լուացին մար-
մինը, լեռոյ թանկագին խնկեր դրին չորս կողմը,
անուշհոտ իւղով օծեցին, թանկագին (բեհեզեալ)
ազնիւ, մաքուր կտաւով փաթաթեցին և թագաւո-
րավայել յարգանքով ու պատուով տարան թաղեցին
մօտիկ էլած պարտէզում, քարից դուրս փորած մի
նոր գերեզմանի մէջ, որ Յովսէփը իր համար էր
պատրաստել:

Հասաւ զատկական շաբաթը: Քահանայապետ-
ներն ու փարիսեցիները գեռ երկիւղի մէջ էին:
Խնչքան կենդանի Քրիստոսը, համարեա էնքան էլ
մեռած Քրիստոսն էր ահ ու դող գցել նրանց սըր-
տերը: Մի կողմից ժողովուրդը, որ փոշտանել էր
իր արածի վրայ, միւս կողմից Յիսուսի՝ առաջուց
ասած մի քանի մարդարէական խօսքերը, — նրանց
հանգստութիւն չէին տալիս: Վախենում էին՝ չըլնի
թէ, ուղիղ Յիսուս նորից կենդանանալ, լարութիւն
առնի: Եդ պատճառով գնացին քահանայապետի
կնքով (փեշատով) կնքեցին նրա գերեզմանի քարը
ու վրէն պահապաններ կանգնեցրին:

Բայց ողորմելիները չիմայան թէ ինչ արին:
Նրանք ամբողջ երկու հազար տարի օրեր էին համ-
բում, իրանց մեսիալի գալուն էին սպասում. և հի-
մա իրանց մօտ եկած Մեսիան իրանց ձեռքով յանձ-
նեցին հեթանոսներին: Նրանք ուզում էին Յիսու-
սի յիշատակը ջնջել աշխարհի երեսից, բայց հա-
կառակը պատահեց. Նրա անուան փառաւորուելու
պատճառը դարձան: Ի՞նչ որ կեղծաւոր փարիսեցին
սարքեց մեռած Թաղուածի անունը ջնջելու հա-
մար, էն արդարադատ Աստուածը գործ դրեց ճըշ-
մարտութիւնը արևի պէտ փալեցնելու և անցքը
անմահացնելու վրայ:

ՅԱՐՈՒԹԻՒԹԻՒՆ

ՄԵՇ. Է յարութիւն Աստուածորդւ
ւոյն, բանզի գրունք երկնից բա-
ցեալ եղեն եւ հոտ անոյշ բու-
րեաց յաշխարհս, եւ լցոց դարա-
րածս ամենայն:

Յարական.

Լուսացաւ: Բացուեց ամենափառաւոր օրուայ
արշալուսը: 36 ժամ*): Յիսուս մարմնով գերեզմանի
մէջ մնաց. յետու Նրա հոգին միացաւ իր մարմ-
նի հետ և յարութիւն առաւ, վեր կացաւ, ոտքի
կանգնեց գերեզմանում մեր ամենիս յարութեան
Յոյսը: Բայց ոչ ոք չիմացաւ, ոչ մի մարդկալին աչք
չտեսաւ, թէ ինչպէս կեանք ու կենդանութիւն
Բաժանողը դուրս էկաւ կնքած գերեզմանից՝ ա-
ռանց կնիքը կոտրելու, փակուած գերեզմանից՝ ա-
ռանց քարը գլուխու: Էն մարմինը, որ առաւ-
ածութեան հետ միացած՝ 33 տարի առաջ ծնուել
էր կոյս արդանդից՝ կուսութիւնը չխախտելով, է-

աօր դուրս է գալիս կոյս գերեզմանից՝ կնիքը չը-
խախտելով: Էդ ժամանակ երկիրը շարժուեց և երկն-
քից մի հրեշտակ իջաւ, արևի սկս փալուն երե-



*.) Թէպէտ 36 ժամը ոչ թէ 3 օր է, այլ 1^{1/2}
օր, բայց աւետարանիչների հաշուով 3 է, որից առա-
ջինը համարւում է թաղուելու ուրբաթ երեկոն, երկ-
րորդը՝ շաբաթ օրը, և երրորդը՝ յարութեան կիրա-
կուայ առաւօտը:

սով, ձիւնի սկս սպիտակ ջորով: Նա գլորեց գե-
րեզմանի քարը և վրան նստեց: Պահապանները, որ
երկրաշարժից վախեցած, մեռելի կերպարանք էին
ստացել՝ հրեշտակին տեսնելով սարսափահար էլած,
գերեզմանը թողին փախան:

Լոլութ բացւում էր: Երուսաղեմից գալիս էին չորս կին, որոնցից մէկը՝ Մարիամ Մագդաղինացին, —որ փարիսեցի Սիմոնի տանը թանկաղին, առուշահոտ իւղով օծել էր Յիսուսի գլուխը, որ արտասուքով լուայել էր Նրա ոտքերը և իր մազերով սրբել, —երբ հասաւ պարտէզը, միւսներից առաջ գնաց, որ վերջին անգամ օծի Յիսուսի մարմինը: Ի՞նչ սիրով որ նա կենդանի Յիսուսին էր սիրում, էն սիրով էլ սիրում է մեռած Յիսուսին: Նա գեռ բան չգիտէ: Մօտենում է գերեզմանին և ի՞նչ է տեսնում, —քարը գլորուած: Նա մի կողմն է թողնում միւս երեք կանանցը, շտալով քաղաք է գերադառնում որ էս Հրաշալի լուրը առաքեալներին հասցնի:

Գալիս են լետոյ միւս կանալքն էլ, և, քարը գլորուած տեսնելով՝ ներս են մտնում գերեզմանը: Էստեղ մեռած Յիսուսի փոխանակ՝ նրանք տեսնում են Հրեշտակին և զարհուրում են: Հրեշտակը առում է նրանց: «Միք վախենալ, խաչուած Յիսուսին էք վինտուում, —լարութիւն առաւ^{*)}», Էստեղ

^{*)} Եւսեբիոսի ու Տերտուղիանոսի պատմելով՝ Յիսուսի յարութիւնից յետոյ Պիղատոսը Տիբերիոս կայսերին մէկ էսպէսի թուղթ գրեց. «Հրէաների իշխանները, ստախօսութիւն անելով իմ առաջը, հաւատացը ինձ թէ՛ Նալովեցի Յիսուսը ժողովրդին ապահով է. ես էլ, հաւատալով նրանց ասածներին, ծեծել տուի ու յանձնեցի նրանց որէնքին հակառակ զարուսդ մարդ է. ես էլ, հաւատալով նրանց ասածներին, ծեծել տուի ու յանձնեցի նրանց որ խաչեն: Եւ նրանք խաչելով նրան՝ սպանեցին, ու թաղուեց գերեզմանում»:

չէ. ահա էն տեղը, որտեղ դրել էին նրան: Նրանք շուտով դուրս են գալիս գերեզմանից և շտապում են գէպի քաղաք:

Մարիամ Մագդաղինացու հեռանալուց յետոյ գալիս են գերեզմանը Պետրոս ու Յովհաննէս առաքեալները, և, լսելով որ գերեզմանը բաց է, զարհուրում են: Նրանք մտածում են թէ՛ թքշնամիների չարութիւնը էն տեղն է հասել որ Տիրոջ գերեզմանն ու սուրբ մարմինն էլ չեն խնայել, գերեզմանումն էլ հանգիստ չեն թողել: Խեղճերը գեռ էնքանը պարզ չէին հասկացել որ Քրիստոս պէտք է յարութիւն առներ, թէպէտ էդ միտ-

բայց բանի որ զինուորները պահպանում էին գերեզմանը, նա յարութիւն առաւ գել եզմանից: Եւ էնքան սաստկացաւ ու բորբոքուեց Հրէաների չարութիւնը, որ փող տուին իմ զօրականներին ու ասեցին՝ Լոյս չը գցէք, չասէք էն, ինչ որ տեսաք. այլ ասեցէք թէ նրա աշոկերտները գիշերը գողացան նրան, քանի որ մենք քնած էինք: Բայց զինուորները, փողն ստանալուց յետոյ, չլուեցին, այլ պատմեցին ինձ բոլոր պատահածը. Վկայեցին ինձ, որ Ճշմարիտ յարութիւն առաւ. որովհետեւ իրանց աչքովն էին տեսել էն Հրեշտակին, որ գլորել էր բարը, և իրանք, ինչպէս մեռած, ընկել էին էնտել և յետոյ ուշքի գալով՝ տեսել էին գերեզմանը, որի մէջ չկար նրա մարմինը: Եւ էսքանը էն պատճառով գրեցի քեզ՝ իմ Տիրոջ, որ չ'ընի թէ մէկ ուրիշը ստեր փշե քեզ մօտ, և հաւատալի համարուի քեզ Հրէաների ստութիւնը»:

քը քահանաների ու փարիսեցիների աշքեց քուն-
ները փախցրել էր: Երբ ներս են մտնում, աչքնե-
րին ընկնում է կտաւն ու գլխափաթեթը (փարշա-
մակը), որ ծալած՝ մի կողմն էր դրուած: Նրանց
տեսածներից ոչինչ էնպէսի բան չէր երևում, որ
գերեզմանը թշնամիներ մտած ըլնեն: Էստեղ մէկ
ուրիշ բան պէտք է ըլնէր: Նրանք զարմանում են.
Նրանց մտքից մի նոր բան է անց կենում. Նրանք
զգում են, Նրանց սիրու վկայում է, որ Տէրը յա-
րութիւն է առել.

Պետրոսն ու Յովհաննէսը գնացին: Գալիս է
էլի Մարիամ՝ Մագդաղինացին: Նա հօգով, սրտով
էնպէս է կպած Յիսուսին, որ ոչ կարողանում է
մտնել գերեզմանը, ոչ հեռանալ Նրանից: Գարդն
ու սէրը Նրան մեխում են տեղնիտեղը: Եղ տեղը
Նրա համար ամենա իրելի տեղն է: Եղտեղ էր թա-
ղուած Յիսուս. Նրա հետ էլ թուղուած էր իր սիր-
տը: Էստեղ են դեռ էլի Նրա պառկած ժամանա-
կուալ նշանները,—կտաւն ու փարշամակը, ամէն
բան իր տեղը: Էս սուրբ տեղին աշքը գցելիս՝ նա
միշտ Նրան է լիշում, և Նրան լիշում է՝ բերանը
բաց-քարոզելիս, ձեռքը մեկնած բժշկելիս: Ողջ
աշխարհումը չկար մէկ էնպէսի տեղ, մէկ էնպէսի
անկիւն, որ էնքան սիրելի ըլնէր նրա հոգուն, ինչ-
քան էս սուրբ գերեզմանը:

Նա կանգնած է գերեզմանի մօտ ու լաց է
ըլնում: Նա ունէր մի Փրկէս, որ իր բոլոր ուրա-
խութիւնն ու երանութիւնն էր: Նրա մէկ նալելը

իր համար արեւի փայլն էր. խօսքը՝ իր սրտի բա-
լասանը. խրատը՝ իր հօգու կերակուրը: Էս տխուը
րոպէին, երբ նրա Տէրը մեռելների աշխարհումն է,
—կետնքը իր համար դարձել է մի բեռը և աշ-
խարհը՝ իր գերեզմանը:

—Այ կին, ձայն է տալիս նրան յարութիւն
առած Յիսուսը. ինչի՞ ես լալիս, ումն ես փընտ-
ռում:

Նա շուր է գալիս, տեսնում է Յիսուսին կանգ-
նած, բայց չէ ճանաչում: Նա եղ անծանօթին
բաղմանչին է համարում ու ասում:

—Տէր, եթէ գո՛ւ ես վեր առել Նրան, ասա
տեսնեմ որտեղ ես գրել, որ առնեմ Իր տեղը տա-
նեմ:

«Մարիամ», ասում է Նրան Յիսուս: Նա ու-
րիշ ոչինչ չէ ասում. միայն անունն է տալիս: Բայց
ինչպէս է հանում իր բերանից Նա եղ մէկ խօս-
քը: Նրա եղ մէկ խօսքը շարժեց, տակն ու վրայ
արեց թշուառ կնոջ սիրտն ու հոգին:

Եղ ծանօթ ձայնը Մարիամի սիրտն է մտնում:
Նա շուր է գալիս, աչքը Խօսողի վրայ գցում: «Սա
մեռելն է, կենդանացած,—մտածում է նա—Սո-
տուած իմ, ոս նա է. ինչ եմ տեսնում: Եւ ուրախ
սարսուով նա ընկնում է Նրա ոտքերը, ուզում է
փաթաթուել ծնկներին և զտրմանքով ու հաւա-
տով ձայն է տալիս: «Վարդապետ»: Նա գտաւ իր
փնտուածը, գեռ Նրանից էլ աւելին: Նա փնտուած
էր խաչուածին, մեռածին. բայց գտաւ կենդանի,
յարութիւն. առած: Անասելի ուրախութիւնով նա

ընկնում է Նրա ոտքերը: Նա տեսնելով Յիսուսին
փառաւորուած, լուսեղին մարմնով,—միաքն է բե-
րում Նրա խոստացածը՝ որ Իր լարութիւնից ու
համբարձուելուց յետոյ կրկին անգամ գալու է: Նա
Նրան համբարձուած ու էլի յետ էկած համարե-
լով ընկնում է ոտքերը: Եդ պատճառով Յիսուս
ասում է Նրան. «Մի մօտենար ինձ. որովհետև
դեռ չեմ գնացել Հօրս մօտ»:



Սրանով Յիսուս ուզում է հասկացնել Նրան
և Նրանով էլ մեզ՝ որ էն փառաւորուած կեանքը,
որ Նա դուրս է բերել գերեզմանից,—չէ շօշափւում,
չէ բռնւում մահկանացու մարգու ձեռքով. որ էն
կապը, որ կար Իր ու Մարիամի—իբրև ուսուցչի

ու աշակերտի մէջ, արդէն կտրուած է, որ Նա էլ
էնպէս չի կարող մնալ Մարիամի մօտ, որ Նա կա-
րողանայ իր աչքով տեսնել: Միայն, երբ Նա եր-
կինք համբարձուի, կը սկսուի մի նոր կապ*), որ էլ
ոչ մի բանով չի կտրուի: Եւ Մարիամը, Նրա հետ-
էլ ես, դու և ամբողջ աշխարհը կը մօտենանք Յի-
սուսին հաւատով, աղօթող շրթունքներով ու պա-
ղատող ձեռքերով:



*.) Կապ՝ իբրև Ստեղծողի ու ստեղծուածի մէջ:

ԽՈՐՀԱԿԻՐԴ Ա. ԽԸՉԻՆ

Երգեալ

Յանանուն հեղինակէ,

Զորեքերպեան թեք սուրբ Խաչին,
Դործ սքանչելեաց ցուցին նոքին.
Նախ թէ չորս կողմ երկրի Փըրկչին,
Ապա յատուկ գործըս մին մին:
Գըլուխ Խաչին զերկինս եբաց,
Եւ պատուանդանն զգժօխս աւերեաց.
Զախ թեն ըզգեսըն հալածեաց,
Եւ աջ թեռվն ըզմեզ փըրկեաց:
Քառակերպեան Խաչըն կանգնած,
Զորս թըշնամւոյ զմեզ ազատեաց.
Ի մահուանէ և ի մեղաց,
Ի դըժոխոց, չարչարանաց:
Քառաթեռեան Խաչըն կանգնած,
Ի չորս չարեաց ըզմեզ փըրկեաց.
Ի խաւարէ, յանքուն որդանց,
Յանշէջ հըրոյն, սառնամանեաց:
Քառաթեռեան էր ձեւ Խաչին,
Զի չորս կողմունք երկրի Փըրկչին,
Զորեքնիւթեայ քնութիւն մարդին,
Եւ որք յօրէնըս չորս անձին:

Այլ և չորս ազգ էր փայտ Խաչին
Նոճ, կիպարին, արմաւենին,
Եւ լուսաբերըն ձիթենին,
Յոր զԼոյսն Աստուած բեկուեցին:
Այլ և չորս ազգ էր ի Խաչին,
Փայտ և բեկուքըն որ ընդ Փըրկչին.
Փըշոց պըսակն ընդ գեղարդին,
Որով խոցեաց ըզմէլշնամին:

Այլ և էր չորս գուշակ Խաչին
Տապան և ցուպըն Մովսէսին,
Եւ ձողով օձն յանապատին,
Խորովեալ գառն ի սեղանին:

Զորեքերպեան էր թեւ Խաչին,
Եւ չորս զինուորքըն խաչեցին.
Յորս էր խոցուած յոտն և ձեռին
Նըստեալն յաթոռ չորեքերպին:

Փառք տէրութեանըն Քըրիստոսի,
Եւ օրհնութիւն անլըռելի,
Ընդ Հօր՝ Հոգւոյն իւր էակցի
Այժմ և յանկէտ յաւիտենի:



ԷՄՄԱՆՈՒԵԼ ՔԱՀ. ՆԱԶԱՐԵԱՆՑԻ

ԳՐԱԾԱՅԵՐԸ.

Ա. Թասագրքերը.

1. ԸՆՏԻՐ ՀԱՏՈՒԱԾՆԵՐ, ա. մասն—Արձակ, երրորդ
տիպ, 608 երես: Գինը՝ 1 ռ. 25 կոպէկ:
Գումարով առնողին՝ հատը 1 ռուբլի:
2. ԸՆՏԻՐ ՀԱՏՈՒԱԾՆԵՐ, թ. մասն—Բանաստեղծու-
թիւններ, 476 երես: Գինը՝ նոյն է:
3. ՀԱՅՈՅ ԼԵԶՈՒԻ ՈՒՍՈՒՑԻՇ, Գ. տարի, չորրորդ
տիպ, 312 երես: Գինը՝ 60 կոպէկ: Գումարով՝
48 կոպէկ:
4. ՀԱՅՈՅ ԼԵԶՈՒԻ ՈՒՍՈՒՑԻՇ, Գ. տարի, չորրորդ
տիպ, 142 երես: Գինը՝ 40 կոպէկ: Գումարով՝
32 կոպէկ:
5. ՀԱՅՈՅ ԼԵԶՈՒԻ ՈՒՍՈՒՑԻՇ, թ. տարի, երկրորդ
տիպ, 144 երես: Գինը՝ 35 կոպէկ: Գումարով՝
28 կոպէկ:
6. ՀԱՄԱՊՈՅ ՔԵՐԱԿԱՆՈՒԹԻՒՆ, Ա. մասն—Նախա-
գասութիւններ և Մասունք բանի, 54 երես:
Գինը՝ 20 կոպէկ: Գումարով՝ 15 կոպէկ:

Բ. Միւս բաները.

7. ՀԱՅՈՅ ԱՌԱՋԱՆՈՒՐ ՈՒՍՈՒՑԱԿԱՆ ԺՈ-
ՂԱՎԻ ՊԱՏՄՈՒԹԻՒՆԸ: 170 երես: Գինը՝ 50 կոպ.
8. ՅԻՍՈՒՄ ՔՐԻՍՏՈՍԻ ՄԿՐՏՈՒԹԻՒՆԸ: 36 երես: Գինը՝
8 կոպէկ.
9. ԶԱՐՉԱՐԱՆՔԻ ՇԱԲԱԹԸ: 80 երես: Գինը՝ 15 կոպ.
10. ԱՆԵԿԴՕՑՆԵՐ, Հատոր Ա. 223 երես: Գինը՝ 50
կոպէկ:
11. ԱՆԵԿԴՕՑՆԵՐ, Հատոր Բ. 153 երես: Գինը՝ 50
կոպէկ:
12. ԱՆԵԿԴՕՑՆԵՐ. Հատոր Գ. 250 երես: Գինը՝ 50
կոպէկ:
13. ՆԱԽԱՊԱՇԱՐՄՈՒՆՔ. Հատոր Ա. 84 երես: Գի-
նը՝ 50 կոպէկ:
14. ԵՐԿՈՒ ՏՕՆԱԾԱՌ. 24 երես: Գինը՝ 20 կոպէկ:
15. ՊՈԼՅՈՒՄՊԵՐԻԱԼ. 42 երես: Գինը՝ 20 կոպէկ:
16. ՕՐԵՑՈՅՑ 1894 թ. (Ընդարձակ Յաւելուածով)
է. տարի: 192 երես: Գինը՝ 20 կոպէկ:

Հեղինակի հասցէն. Տիֆլիս. Սվայենհուկ
Դմանուալ Հազարյանի.

Էն պատուելի տիկինների ու պարոնների անունները, որոնք իրանց նուէրներով թեթևացրին եւ գըրուածքիս տպագրութեան ծախսելը:

Համար	Ա Ն Ս Ի Ն Ն Ե Ր Ը	Ուռւմ.
1	Սարդիս Ղաւալեանց 5
2	Մնացական Տէր Գաւթեանց 10
3	Տիկին Թեկղի Տ. Գաւթեանց	. . . 5
4	Բարսեղ Եղիազարեանց 10
5	Տիկին Կատարինէ Եղիազարեանց	. . . 5
6	Եղբայր Ա. և Կ. Եղիազարեանց.	. . 10
7	Եագոր Եղիազարեանց 5
8	Աղեքսանդր Այվազեանց 5
9	Եագոր Մ. Յակոբեանց 10
10	Խաչակ Խաչատուրեանց 10
11	Զաքար Մուսայէլեանց 10
12	Տիկին Մարիամ Մուսայէլեանց 5

Իմ ուղած պատկերները չժաջողուեց տպել: Էս պատճառով ի՞նչ որ կարողացայ ձեռք բերել էւ անդամ նրանցով պէտք է բաւականահանք:

ՏՊԱԳՐՈՒԹԵԱՆ ՀԱՄԱՐ

Պատրաստ են՝

1. ԲԵԹԼԵՀԵԿԻՑ ՄԻՆՉԵՒ ԶԻԹԵՆԵԱՅ ՎԵՌ.

իամբ

ՄԵՐ ՏԵՐ ՅԻՍՈՒԹ ՔՐԻՍՏՈՍԻ ԵՐԿՐԱԽՈՐ ԿԵԱՆՔԸ.

2. ՏԱՐԵՐՔ ՔՐԻՍՏՈՆԵԱՆԱՆ ՎԱՐԴԱՊԵՏՈՒԹԵԱՆ.

3. ՅՈՅՆ ԻՄԱՍՈՒՆ ԴԻԹԳԻՆԵԱ.

ՀՅԱ ԳԻՆՆ Է 15 ԿՈՂԵԿ ՀՅԱ

386

0024434

386

«Ազգային գրադարան



NL0027734

